

張公百忍心全集





由國家圖書館數位化、典藏

百忍全書



張公百忍之書爲義門。此二族者。未必非慕公之風而爲之者也。嗟乎。一家仁。一國興仁。一家讓。一國興讓。舉世仁讓。尙何風俗之不淳哉。此忍之所以無不濟也。諸君謀欲鋟板行世。吾甚喜其以全忍勸人。勝於百忍之歌也。遂允其請而樂爲之序也。

時

嘉靖九年桂月三日清虛子題於玉粹書舍

陸天君賜書

從來書不關乎世運。不足以付梨棗。事不係乎倫紀。不足以醒愚頑。如張公百忍之書。著之宇內。詳明精緻。言簡意賅。可以爲斯人之模範。亦可以作後世之津梁。何斯世斯人。悍然置之度外。的然漠不關心。其所以發人深省者。惟此書之一部也。無奈訂本無多。剞劂有限。今有周生名仕海。傾囊無惜。意欲重刊。因請敘於吾。吾何敘哉。敘曰。張公可効。九世同居。興仁讓興。諭門閭。名播坤輿。持守遺書。涵養公復初。

時

同治六年姑洗月上旬。賜於綦附里太公山之玉皇觀。



百忍全書
重印百忍全書小引

夫人心所以每好起釁生端者。爲不能忍耐所由來也。適友人楊君元章。宣傳是書。塗向借一觀。始末細讀。頗覺豁目開懷。洵足令人感化。息爭端。興禮讓矣。乃請當道許可。重新印刷。廣頒字內。以公衆善之心。誠不難化狂暴爲謙和。啓愚頑於靈醒。裨益家國民心。爲政治教育社會之餘助云耳。

時在

大正十五年丙寅孟夏上旬活版所主人黃 塗謹白

百忍全書上卷

第一忍

唐高宗時有張公者。諱公藝自幼聰敏。六歲發蒙讀書。師卽授以小學。隨讀隨講。本性順承。事親冬溫夏清。昏定晨省。每每留心。一日母命公放牛。父不知其故。見公未上學堂。疑公躲學。將公督責。公受責不言。母命既釋。卽上學堂。師察顏問之。公云其故。師曰。何不言。母命甘受其責。公泣曰。恐父與母生嗔。師嘆曰。自幼順承。眞大器也。此公順承第一忍矣。後人有詩嘆曰。自幼順承眞大賢。自幼攻書學大賢。挨疼忍痛心無怨。承歡菽水事親前。百忍當書首一聯。

第二忍

却說公父與族叔張權要賬。權無錢付給。兼之口出橫言。公父持拳欲打。公急解散。其父歸家。權隨後追來。公攔路好言以慰。不料權逞凶橫。扭公便打。公周身受傷。既而脫回。父問何故損容。公對曰。跌朴所傷。公於是迎機諫曰。權叔家迫。欠父之錢。實難還也。不若寬之。俟發達取索。令彼無言。父曰。吾家亦迫。且借我之錢。非分外苛求也。公曰。吾家雖迫。可尋別方。強取恐致禍。不若舍他。令遭別個。旬日。權果遭凶事。人謂公挨打忍辱。是以免累。此公受辱。諫親免禍。第二忍矣。後人有詩嘆曰。

篤宗重族又疎財。

能屈能伸君子哉。

趨吉避凶能忍耐。

胸羅日月氣徘徊。

第三忍

却說公父請媒與公定婚。將聘王姓之女。已與媒妁約期下聘。殊王姓將女又許別姓。公父不知。將聘禮辦成交與媒妁。媒下聘不就。隨將禮物馱騙。公父聞知大怒。投鄰理剖。媒妁姑不會面。公父要伸狀於官。公苦諫曰。古云。爭田不如別置。爭妻不如別娶。兒之姻緣。不在此也。請父以息事爲上。父哂曰。兒之器量若此。豈不取人笑罵。公曰。善哉。兒正欲取人笑罵。兒願學鼎銘之字。不與時人爭強弱。非哲人不能知也。父允諫。後公娶陳氏爲室。此公娶親受騙第三忍矣。後人有詩嘆曰。

百忍名書
識人高處最爲強。

誘騙聯姻不計傷。

大志丈夫藏浩氣。

陳門淑女更賢良。

第四忍

却說公父與東隣楊姓連界。楊持家恃衆。把界爭去。約出石糧之多。父欲請經與楊氏宰牲盟誓。楊聞彰言欲打死公父。公諫父曰。神無不靈。心齊而至。倘父請神。恐神責之。不寬量也。且楊姓恃衆逞橫。勢不可當。可用以和爲貴。又體齊宣王之意。交隣有道。不甚美哉。公父深怒無言。公私以酒與隣人。取和不數月。楊姓與王姓爭界。打死三人。一家徒罪於城。具信請公進城一會。公往。楊姓弟兄將全業賣公。以爲禁中之費。約值八百金之

業。公與以四百卽賣。公轉思曰。不可乘危奪人之業。仍以八百金與之。遂幫伊贖成活罪。此公之厚德交隣。第四忍矣。後人有詩嘆曰。

作事循天理本高。

田園有分莫心勞。

公之忍讓天成就。

不比頑人用力操。

第五忍

却說。公在學堂與一友焦亨相善。此友才高。既久生厭。將公紙筆墨私火燒之。公已窺見。欲攜友對師明證。恐師嚴責其友。公轉念曰。初交以仁。久則以厭。難全信義。則失良友之望也。遂與友言明。不料亨反生怒。橫說公以事誣他。將公跌地亂打。公哀憐釋放。公亦不與師言。

乃於文帝前訴祝燒書一事。不一月。忽焦亨瘋癲。喊明其言曰。張公藝仁德寬洪。我實獸心人面。喊畢卽死。公往弔之。泣淚不已。此公之不較橫逆。第五忍矣。後人有詩嘆曰。

待友全仁德。

誠心訴帝前。

奸雄終有報。

留與後人傳。

第六忍

一日公父染病。公急求醫治病。醫曰。要銀十兩。作丸一單。可愈此症。公卽與之。殊醫得銀到手。遂私逃。公不離親左右。忽來一表弟探病。言前日路過場市。曾會醫人。公曰。此醫騙銀走矣。表弟曰。速令人追之。可得。公曰。去

已遠矣。何妨舍之。於是公對天祈禱。願短已壽。以益父壽。旬日病愈。不日聞騙銀醫在路遭賊殺。此公之受騙無怨。第六忍也。後人有詩曰。

孝意肫誠可格天。

醫家馱騙喪黃泉。

一生一死隨時報。

神聖分明在眼前。

第七忍

却說公父與族人同賣祖墳樹八根。值錢八十餘千文。公父受族人套哄。族人將錢如數歸迄。公父要將錢培塚。族人硬佔不給。父要構訟均分。公諫曰。父之情理過族人。訟事必勝。以兒淺見。本族人不可與訟。父曰。何爲。公對曰。昔朱栢廬先生云。居家戒爭訟。訟則終凶。又孔

聖云。必使無訟。倘官問父親。將錢培塚。光揚祖德。分所應耳。但木本水源。一脉連根。枯榮不一。見難不救。父又何以得全祖宗之大義耶。族人貧而無諂。亦似君子固窮。將此銀作資本。實是家迫之故。就未與父親哀情。亦是他志短抱慚。設若他因資本而發富。亦我族之光也。既而有光。先光祖上。佑啓後人。父親美名。亦不小也。望父思之。父曰。以汝之見。後人何用。如朱栢廬先生云。祖宗雖遠。祭祀不可不誠。既要誠敬。不培祖墓。以壯觀瞻。何由啓後人之模範。况伐墳前樹。驚動墓中亡。若不奠謝。終爲不吉。族人無理太甚。焉得不興詞訟。汝小兒之見。何得阻我。公泣曰。兒雖見小。請父寬宥。聖人云。鬼神

之爲德。其盛矣。夫神無不靈。因心造靈。鬼無不應。良心得應。祖宗在生爲人。死後爲神。族人敦樹資之事小。父親傷義之事大。倘官長憑見父親不賣。九族恐先靈陰責。悖倫不義。父親高見。何不將家財而培祖墓。定要爭訟。修培。恐失孝思。祈父再思。不致後悔。父曰。儘他族人聞得其詳。不勝感嘆。從此克勤克儉。貶食損用。果致富。此公之諫親重族。第七忍也。後人有詩嘆曰。

敦倫篤族諫親前。好似蘆衣著大賢。

感格先靈長庇佑。藍田種玉發金蓮。

第八忍

一日公與父過祖墳前。見隣人李姓牛踐踏祖墳。公父

將牛牽拴與李姓肆開。公進諫曰。小事也。何必相鬧。公父曰。踐我祖塚。如殺我也。何云小事。公曰。此吾父子平日有欠交隣道理。故爾如此。設若以禮接之。隣人謹守也。父曰。何爲。公曰。可請李姓來家。設以酒席行情。使伊自然謹慎。於是自將墳奠謝。請李姓至家。欸以酒。殺。慇懃告戒。李姓感恩回家。卽命人在公祖墳前後。四維。概行栽茨。永不敢侵。此公有道交隣。第八忍也。後人有詩讚曰。

買地不如義結來。
世間無限爭強者。

張公德大不須猜。
多少芝蘭不曉栽。

第九忍

一日東隣黃姓牛脫索將公田中禾苗食了。約有斗餘之多。公父將牛牽拴。報知黃姓。殊不知黃姓因酒口出惡言。持杖將打公父。公急止之。遂將牛牽於隣人。叩首與隣人賠罪。勸父回家。父怒氣不息。公卽跪地諫曰。請父息怒。時人云。千金買業。八百買隣。酒肉結遠親。火賊望四隣。黃姓雖有過。念係東隣。一來酒醉之人。只宜遠避。况君子有容人之量。父曰。非吾不容伊。但不可使伊橫豪慣了。公曰。慣人多利。父曰。利從何來。公曰。天理招來。古人云。饒人不是懦。讓他遭別個。父曰。是也。過一日黃姓來家。與公父子賠罪。公問曰。何勞賠禮。黃曰。我酒醒後。妻以此情告我。說先生容我。與我賠罪。恐折盡我。

平生之福矣。若不賠禮。天罰不已。婦人之言。先生莫笑。公曰。眞淑女也。此公之勝理。寬人第九忍也。後人有詩嘆曰。

饒人多利值千金。

玉石如言孰不欽。

淑女助夫超出衆。

芳名並舉好規箴。

第十忍

却說公完婚之日。有一人姓秦者。酒醉發狂。指公而言曰。今日喪事酒。吾飲醉了。快送我回去。衆戚聞此不幸之言。俱叫將伊細了。公急止之曰。酒後狂言。事屬無防。一來君子不厭酒客。且彼言喪事。不知是誰喪事。呼我送他。其中必有緣故。如我不送。恐有累我之禍。你們衆

親不可造次。衆笑公懦。公竟將此人送去。嗚呼！彼家人接去。公回家。次日聞秦某回家。卽夜歇宿樓上。夜半解手。跌下樓來。破頭而死。衆服公恕人免禍。第十忍也。後人有詩嘆曰。

酒後發顛狂。

機關暗裡藏。

衆人皆不識。

惟公免禍殃。

第十一忍

却說公之本族張元木。邀公父子共看祖墳界。因魯姓爭墳界數丈餘。同來喚魯姓對驗。魯曰：原是我的。何言我爭？公父曰：既是爾之界。將鋤挖四維石灰爲界。驗既挖。果是魯姓佔去。魯無言對。旁人斷曰：佔界竊耕。理應

賃租耕種八年。當任租豆一石八斗。將界限悉還張姓。方休。無奈魯姓家寒。人口又衆。聞斷洒淚。公曰。緩期完之。於是請旁人來家。治酒款待。公遂言曰。多蒙公論。緩當圖報。但我祖墳界。雖屬他人。佔耕。奈當日摘留禁步。太寬。魯姓家窘難支。條糧尙欠。此時煩台下等。轉告魯姓。叫伊不必賃租。連伊所佔之界。一並讓伊。旁人皆曰。魯姓佔界無理。先生仁德甚大。未卜先生一族何如。公曰。我族中人。我自勸他同讓。衆皆稱曰。先生待人廣大。寬洪。積福無量也。公曰。非邀福也。悔先年未孝祖人。於生前。就此機會。讓界而追遠。量先靈。皆邀冥福矣。時言冥陽兩利。非拯孤拔困。不能就也。旁人曰。先生之言。啓

驚發墳。愧我們先年無知。我族中讀書雖多。未得上進。諒必因墳事損德也。若早得先生明訓。不與人爲墳爭界。與訟十二回。我家焉能取敗也。如先生之言。讓界全德。以邀天眷。真正理也。衆人回告魯姓。魯姓感德。於是傳聞一方。百里之遙。爲墳界永不相爭。此公之讓畔全祖德。第十一忍也。後人有詩嘆曰。

承先啓後種心田。
善事當爲學聖賢。
引導隣人同一德。
常懷追遠慶周全。

第十二忍

却說公受孀婦楊姓母子之托。代伊趕場賣牛一隻。賣價值錢八千五百文。買主江姓。現交錢五千。下欠三千。

五百文。約次場給楚。不料次場。江姓圖騙。不會公面。公遂將錢如數摺出。交與楊姓母子。過月餘。聞江姓病死。是年中秋。公賞月靜坐。忽見江姓到。言還牛價。公大驚。曰。聞爾已死。不期誑傳。其人未答。竟往牛欄處去。訖。公點灯視之。見牛生一小崽。公驚曰。欠債變牛。洵不爽矣。後賣錢如數。此公受騙明徵。第十二忍也。後人有詩曰。寡婦孤兒最可憐。賠錢不怨未伸冤。三千五百事猶小。可笑變牛代耕田。

第十三忍

却說公見妻陳氏性傲。未能善事雙親。遂作俚言教曰。將一言教妻。前謹記可以稱賢。前世有緣結髮。今生

纔得同眠。父母大如天地。奉養最要誠虔。雙親打罵。順受。切忌應嘴便便。抵觸雙親。有過。又惹外人譏談。爾孝前人竭力。兒孫照樣依然。要求富貴樂享。急早。行孝感天。諸神皆大歡喜。子孫福祿綿綿。

妻曰。夫君教我行孝。何以諸神歡喜。公曰。聽我道來。

神聖以孝爲本。外加養性成仙。功完脫壳辭世。閻王表奏上天。玉皇勅封神職。纔受萬民香烟。在生若不盡孝。死墮地獄熬煎。倘能誠心盡孝。凡民亦得神仙。自來神聖仙佛。總以孝順爲先。

妻曰。夫君叫我行孝。要從那些做去。請夫君明以示我。公曰。靜聽吾與爾一一道來。

百忍全書
夜間鋪衾看枕。衣裳浣洗新鮮。早晨問安茶進。隨奉盥水拿烟。次尋可口菜蔬。飲食安排兩邊。親怒和顏勸解。凡事順理無偏。

妻曰。妻之盡孝。固當如是。若夫君盡孝。又當怎樣。公曰。我當承歡養志。和顏悅色爲先。晨昏定省不懈。冬溫夏清。常專隨具香帛祀聖。祝告天神。垂憐見善。必爲致意。祀祖先靈。告虔願親康強逢吉。保親壽享百年。妻曰。允遵教訓。還望夫君隨時指點。此公之教。妻盡孝第十三忍也。後人有詩嘆曰。

夫妻義重值千金。
不比尋常人結髮。

意美法良訓誨諄。
巧言令色用貪心。

第十四忍

却說公父一日喚公備沐浴水。公將水備定。又喚公取衣衾。公取衣衾呈進。公父服畢。升堂就坐。喚公跪聽分諭。出遺詩一首告終。公哀痛不已。安葬畢。寢苦枕塊於墳側。七七歸家。荐祭畢。家人見公辦喪事。齋修甚大。又兼放生千斤。甚費。遂逆言謫公。公於中堂便呼家人侍側。將父臨終所遺詩句。高聲朗誦。講解與家人共聽。其詞曰。

遺訓長存謹慎加。光宗耀祖振吾家。陰功累積千年慶。作善根深萬代華。忍讓克全資玉露。義情持滿步雲霞。三綱旨趣倫常法。吾化清風月影斜。

公將詩講畢。家人共悟。此公之善繼父志。受逆言不怒。第十四忍也。後人有詩嘆曰。

一重恩義一重哀。

善繼遺詩悟剪裁。

仁孝克施終九代。

承傳心似白蓮開。

第十五忍

却說公有族人張才者。性最頑梗。素不聽公教。因之家業浪敗。將分受祖業。私賣與王姓。公概不知。王姓素知公忍讓。亦未告公。後因田價不明。釀成訟事。公始知之。乃召族弟問曰。弟年甚幼。未知祖上創業艱難。我非不能承買。今一旦私賣與外人。他日何以對祖上於九泉之下。族弟覺悟。言欲公買轉。公止之曰。吾不忍以他人

買明之業。以族弟難厭之心。以啓後人爭買之端。爾今成訟。因訟奪業。吾不仁也。王姓聞之。欲讓業於公。公亦不受。親友苦勸。公代和其訟。只買一半。以爲祭祖之田。通族受惠。此公慨讓依仁。第十五忍也。後人有詩嘆曰。族弟詐虞本不仁。私將祖業賣於隣。惟公深體前人德。買半歸來祭祖墳。

第十六忍

却說公一日閑坐觀書。忽來一老人姓吳。向投公言。四男各居。輪流養膳。惟第三子一人不孝。一到其家。話實難聞。特請先生理處。公曰。昔孟子云。父子之間不責善。責善則離。不知令郎以前曾讀書否。老人曰。讀書十年。

圖利迷性。公曰。以翁高見。還是稟官究治。還是憑人懲戒。老人曰。望先生指教。公曰。有此逆子。理宜稟官究治。無奈你父子恩義。老人曰。無人提醒逆子。何以得全恩義。公曰。刻期自然與你勸戒。老人叩頭去。不知逆子吳三隨後跟來。反罵公與他父設謀害他。公好言安慰逆子方去。公思良久。難於進戒。轉思吳三讀書十年。大約也明些理。遂書責戒。俚言一封。喚人遞與吳三。看其是否回言。逆子接書。見公封皮。便擲於地。吳三妻見。卽曰。丈夫將字看。其中何事。遂折開看。只焦容頭點。妻曰。丈夫唸與我聽。吳三嘆氣一聲。讀曰。

具此歌詞你細看。其中妙義甚金丹。育子原來圖養

老。千辛萬苦不辭難。一輩傳輩葫蘆樣。前人榜樣後人看。照着葫蘆畫樣子。分毫不爽有循環。孝順還生孝順子。忤逆還產忤逆男。人若不孝不如畜。羔羊跪乳令娘歡。可羨烏鴉禽最貴。反哺酌恩宴母餐。

妻曰。羔羊然何跪乳。烏鴉然何反哺。夫曰。俱是盡孝。妻曰。此書上言人不如畜。從此看來。你我都有不是。你仔細唸完我聽。吳三又讀曰。

古今多少身榮貴。那個不從孝開端。三教聖神與仙佛。豈肯扶持忤逆男。王祥臥冰猶不足。郭巨埋兒痛心肝。

妻曰。臥冰王祥。是爲那樣。夫曰。臥冰求魚以愈母病。妻

曰。他母病好否。夫曰。一吃卽愈。妻曰。魚能治病。我們正好多吃些。夫曰。你不曉得。他真心行孝。感格天神。暗裡扶持他病好。豈是魚能治病。妻曰。你我學他真心行孝。天神必定保佑我們發財。吳三又讀曰。

何況輪供雙親膳。四人猶在互相殘。活佛在堂不相識。枉爲人類着衣冠。欠債不還猶變畜。受父田園豈不關。不酌恩債何面目。令我旁人慮膽寒。急早回頭一片寶。天神原宥法從寬。每日思量酌親德。承歡菽水飯三餐。冬溫夏清晨昏省。以意承志父心安。要求富貴福澤厚。總要誠心把孝完。

吳三唸畢。妻曰。從張先生書上看來。必要把父母接來。

供俸老人嘴又多。若不依你。我後來又怕遭天譴。丈夫如何安頓。夫曰。我因銀錢看重。獲罪如山。幸張公一篇金石之言。提醒夢中人。如今把父母接來。如神敬奉。趁哥弟不知其情。一圖冥過。二必興家。三將此書貼在壁上。教我小兒誦記。必期成大器。遂接父母。同請張公到家謝罪。此公之至孝感人。第十六忍也。後人有詩嘆曰。惟公務本是天眞。感化愚頑把孝陳。受辱無煩全忍讓。漚心一片顯慈仁。

第十七忍

却說公在南庄上買田一股。踏界之日。界連荀姓。爭界數處。賣主黃姓不服。着令荀姓盟誓。公止之曰。你二人

曾不聞太上感應篇云。指天地以證鄙懷。引神明而鑒
猥事耶。一者賣業爲我爭界。一者爭界以遺後代。有何
好事。苟姓狼心。乘機爭去。約有石餘之糧。苟姓自此得
慣。強爭東隣李姓之界。此界亦是公讓李姓之界。苟李
二姓相爭。興成訟事。三年不息。二家俱敗。各將田地並
賣於公。得全三業。公常謂後人曰。田地遺於子孫。須要
得之光明。待以仁厚。方能久享。此公讓畔得全。第十七
忍也。後人有詩嘆曰。

讓耕讓畔古時風。

爭地爭田必受窮。

一讓買完三姓業。

令人千載頌張公。

第十八忍

却說公有一個佃戶姓王者。請公收租。公至其家。不料佃戶是頑梗之人。肆志毆公。言公用大斗小稱。公乃徐徐言曰。斗大心不大。稱小心不小。只用你家斗。不用吾斗。佃戶見公從容。遂跪地謝罪曰。久聞恩公仁德。實不虛傳。小人有罪。望其寬宥。公又攜一石。捐與佃戶。曰。爾家八口。在我田庄。我豈滿我之倉箱。以迫爾家之缺食乎。但願爾勤耕致富。亦如我之收租。方可。佃戶屢受公教。後果興家。此公之損己利人。第十八忍也。後人有詩美公之盛德曰。

佃戶原來靠主家。
公平升斗將心印。

安全八口樂生涯。
以己度人世代華。

第十九忍

却說公又於隣左買一庄第。公見其屋宇輝煌墳塋鞏固。不覺流淚曰。爾祖上修此房廊。費盡心力。建此墳塋。備竭辛勤。今一旦培植於我。恐我不能久享。賣主同聲贊德曰。願公得買。永享千秋。公真福人。能受此業。我等不肖。難繼前人之志也。公憐伊祖墓。禁步留寬。憫伊老幼。安懷恩養。深加教誨。後復成富。此公之忠厚待人。第十九忍也。後人有詩曰。

待人忠厚憫人家。

得業幽明感德華。

兩利安然成福果。

惟公道理作生涯。

第二十忍

却說一日公出郊外。見二人鬪毆途中。公力爲勸解。一人恃勇。將公一拳跌地。二人住手。公徐起言曰。吾聞韓信受跨下之辱。我前代張良有進履之謙。我不曾敢比大人之見。亦不與爾敵人論也。請問爾二人姓甚何名。爲何相鬪毆。一答曰。我名屈才。一答曰。我名羅伸。爲買菸賣。屈才被強人竊去。應分他折本。與我羅伸無干。他要我同折。公曰。有何多本錢。羅曰。一千三百文。公曰。屈才爾又何如。才曰。折本算我。奈手無錢。公曰。爾二人同我去。不要相打。念係朋友。我願借錢一千二百文。與屈才。才喜曰。去。公將錢借給。酒欸二人取和。此公之全人信誼。第二十二忍也。後人有詩曰。

惟大英雄目不同。
出言便把古人引。

和人義契在危中。
韓信張良儼似公。

第二十一忍

却說南隣鄧姓弟兄五人。因分家鬧事。同來憑公講理。鄧長兄言。父死在早。家憑我起。我要除心力銀二百兩。方得平派。四弟不允。公勸曰。將銀均平。免鬧。鄧長兄何公持拳一掌。公跌地下。接連三捶。口中亂罵而去。公對四人曰。爾兄性情太剛。不惟爾四人忍他。卽我也不爲之計較。爾們緩期。不可逼迫。四人謝罪而去。公細思無計。勸勉。或來一人曰。鄧家長兄。讀書人也。胡爲分家不平耶。公曰。吾有計也。乃作書一篇。使人送與鄧兄。將書

折開唸曰。

弟兄毋得鬧頻頻。分家事事要均勻。手足相殘何足貴。宜兄宜弟好爲人。爲兄當家是應分。何敢妄除心力銀。發富原來有命定。該富卽富貧自貧。積銀無非後人受。無德後人枉艱辛。父母未除心力價。萬苦千辛爾推循。爾子照樣亦如爾。看爾如何把冤伸。亡父孀母俱不悅。陰陽有犯孽隨身。倚上凌下天不肯。以強欺弱惱神靈。天堂有路人不去。地獄無門自己巡。因財悖義忘手足。聖賢道理爲何因。試想雞禽全五德。人而何苦不敦倫。若聽吾言回頭想。黃金萬兩不相親。早出迷途循彼所。弟兄和好百福臻。

鄧兄將字唸完。嘆曰。張公藝。理學之大儒也。親身來迎。公至家。賠罪將二百銀與四弟均分。此公之憐人弟兄。失和。第二十一忍也。後人有詩嘆曰。

忍辱受疼怒不生。
一團氣象結金精。

本將道德參天地。
名到於今振玉京。

第二十二忍

却說公有一才友。楊青雲。家貧不能聘娶。公代爲請冰。成全婚事。捐費三十餘金。殊友得魚忘筌。不思友誼。每大言謂人曰。公藝之濟我。由前世欠我也。公聞言。請友至家告曰。據友所言。我前生欠爾之債。渺渺無憑。卽我觀君之勢。確確可據。我不暇爲友細辨。恐人聞君之言。

遂塞周濟之路也。友要再思。青雲滿面羞慚。自悔背義忘恩。後遇公大小事件。刻思報答。此公之忠告善道。第二十二忍也。後人有詩嘆曰。

遇變不忘交友情。

良言感動義心生。

爲友完婚全大義。

良言善道竭忠貞。

第二十三忍

却說公遊東隣。路遇人言艾芝蘭家貧。因超母靈無費。將妻出嫁陳元。得銀一兩二錢。三日內將接人。公聞此言。沈思良久。乃嘆曰。勿破人之婚姻。公移步。卽到艾家。詢問其事。艾以實告。公曰。爲母燒靈乏費。因出妻以展孝思。亦至情所發。然於大倫有虧。不若再尋別方以

爲兩全之計。方屬盡善。艾曰。無計可圖。妻於房中聞聽。放聲大哭。卽出跪公前。叩首至地。公急止之曰。此銀算我摯出。但要你夫妻長守。芝蘭亦跪。指天立誓曰。若不長守。定取天誅。公叫艾去。請陳元同來。公家收銀。不一時。艾陳亦到。陳元曰。此婦公藝要娶。公曰。非也。因艾姓嫁妻失孝。吾不忍夫妻離散之故。特煩你收銀另娶。陳元曰。萬不能移。艾某自己找。我非我去找他。要我還銀。除非加倍。二兩四錢還我方收。不若此。免言。公曰。接銀一日。何至加倍。陳曰。與你何干。多言恐惹挨刀。公私喚艾曰。加倍以恁。看他若何。艾出曰。加倍稱銀。陳無言。將銀收訖。指公亂罵而去。後又聘浪子錢姓之妻黃氏去。

銀二兩三錢。黃姓聞知。私逃外家。告知氏弟。黃青凶惡無比。聞聽姐言。卽持刀趕至陳元家。請問陳元無言回答。被黃青手起一刀。腸子滿地而死。興訟明官方休。艾芝蘭夫婦感公之情。勤儉致富。子亦士人。皆呼公爲士恩祖。此公之義。全兩大。第二十三忍也。後人有詩嘆曰。全人兩大義如山。凶惡還遭凶惡刪。善惡兩途分上下。令人眼界識機關。

第二十四忍

一日公趕場。遇二人相罵。公問其故。一人姓高一。人姓趙。俱言同夥貿易七年。賬算未清。公問賬簿何在。二人各出賬簿。憑公細算。兩下可抵。趙姓竟不服。說公從偏。

百忍全書
反罵而去。公回家循思。欲全二人之好。遂修忍氣詞一篇。着人交與趙姓。趙姓在場。同友七人飲茶。席間將書折開共看讀曰。

修詞不爲別一事。特勸高趙你二位。前日街前賬未清。險些爭鬧要失義。遇我不才方勸阻。將賬算明休猜忌。不意趙兄怒目回。勞我修詞復致意。良朋守信真君子。取財以義終爲利。貿易絲忽要公平。賺錢折本留心地。二人命大又時高。七年買賣家足備。賺錢定要平天理。不可因循招罪累。積錢無非爲兒孫。無德栽培討憂氣。全義全仁爲上策。才算明人長久計。只圖利賄惱神靈。自負愆尤多不遂。自古害人終害

已。天神正直公平議聽。吾勸解貴於和。以全朋友斷金誼。莫謂俚言義理粗。聽之遵行萬寶聚。

讀畢同聲嘆曰。張公藝真明德人也。齊言每人助錢將詞刊刷。凡做生理者送一張。以爲規模。高趙二人同請公藝來賠罪。永敦信行。此公之憫人仗義。第二十四忍也。後人有詩嘆曰。

種種陰功累。造道不非常。

仁恩垂雨露。利便答穹蒼。

第二十五忍

却說公未生子之時。本族張旭。與公連界。旭生三子俱強暴。欺公太甚。呼公爲絕代鬼。又呼爲莊眉牛。公置之

未聞。又來公地上斫伐樹三根。公見之。欲阻。轉念曰。同本水源。不可傷。其太和。遂着人幫送。殊張旭得慣。以爲公之怕他。後恃強。又把公田爭佔一坵。約出谷石餘。公已不理。旭把谷子割回。公使人送書一封。旭折書唸曰。欺人是禍。恐天殃。恣意橫豪。豈克昌。無義財來家破散。有仁田進享無疆。公平處世其家永。正直居心壽久長。富貴原從天理定。惟憑陰隲慶流芳。

張旭唸完。將書擲地。喚伊子等上前告曰。張公藝修書辱我。道我不良。不如將他殺了。全奪其業。有何不可。子等皆曰。想個妙策。謀之不遲。暫做不知。使他不疑。不意天理昭彰。慘禍卽至。一家俱染寒症。不上一月。旭父子

死絕。後公對族中人言明其事。將此乏嗣之田。悉入祠堂。此公之受凌不辨。第二十五忍也。後人有詩嘆曰。

侵凌道德罪彌天。

立見天殃在目前。

遺臭令人嗔且恨。

惟公種玉在藍田。

第二十六忍

却說公往佃戶秦姓家收租。殊秦姓夫婦預先商量。今年橋租本當要攜八石纔可。無奈來年又要差食兩月。若不如數。此情難求。不若主人來時。我往外躲。妻當與主人酒間邀情。不然與主人好合。必得其情。妻曰。攜租事小。名節事大。不敢從夫之言。雖死不變矣。夫曰。我主人何等金枝玉葉。只要肯與你通情。我亦甘心。如產生

兒必成大貴。我前日見主人憑几而臥。忽頭上現光。如斗大。久後必有大顯。倘誘以私情。必奪主人之顯。妻曰。如家寒無路。節義難全。不知主人果來否也。次日公來收租。佃戶抽身便躲。公進屋。見佃戶不在家。便欲即回。佃妻留之。少住。遂治酒款待。佃妻把盞。以目送情。公神色不變。佃妻一手牽公衣袖。喜笑惹情。公拂袖怒曰。凡屬女流。遵三從。體四德。名節爲重。若不如此。生爲賤婦。死墮地獄。佃妻放手。跪稟曰。祈主人少停。我因夫貧乏。佃耕公田。多蒙主人厚德。奈本年欠豐。只能攜租谷六石。又念此時谷價甚昂。於理難對。我夫與奴商量。欲攜八石。來年又差食兩月。故叫奴藏身花下。以辭主人大德。

只求主人讓租之情也。別無歹意。公曰。賤人差也。讓租事小。名節尤大。何可糊混。一至於此。上付你夫。叫他只攜谷六石。於是佃妻下拜。又將夫見主人頭上現光之事。細言一遍。公信口教曰。卑污下賤。枉爲人。立志冰霜。感聖神。富貴原從天理足。莫因貧乏亂人倫。咏畢便去。此公之重德遠色。第二十六忍矣。後人有詩嘆曰。

冰霜立志本推公。美色無淫秉聖衷。

識得其中真妙諦。穩教玉駕步南宮。

第二十七忍

却說公近隣陳姓。係是義戚。陳姓一家皆亡。單留一子。名陳敬安。年少無人照應。公念係義戚。收進留家攻書。

將餘錢放賬。管理數年。忽陳姓族中一人。名陳太。不服。憑衆與公算賬。公將賬簿一一算明。厘毫不差。衆斥陳太明算賬。暗貪圖。衆勸公仍照管。陳太含羞歸家。路遇巫師黃貞一。問太是否。太言張公藝私漏有實。把他無奈。貞一曰。此月有急報期。可與伊私迎往報。太喜其言。捏白具楮。與貞一同謀。許效驗錢十千文。公不知其事。是夜夢神告曰。公藝曾不知受害乎。公曰。不知。神曰。吾乃經功神也。因陳太特請白上。言汝經管陳敬安錢務。有浸漏等情。吾查當方土地。言汝至公無私。積德行仁。汝將經管敬安之事。具白註明。對天焚化。吾神手中有本。上奏天曹。錫爾富貴。下罰陳太。顯報一家。以顯善。

惡攸分。謹記勿忘。公醒來急起。具白備楮。對天訴化。不
上一月。陳太一家染症。請黃貞一設送。連貞一亦同染
病十日。共死八人。方中無不駭然。別無傳染。此公之神
移其害。第二十七忍也。後人有詩曰。

作事循天乃算高。何須暗害瀆陰曹。

陰陽俱是同情理。正直還當發富豪。

第二十八忍

却說陳敬安。在公藝家中。攻書與公倩的。雇工爲稱芋
相關。公分解兩旁坐定。啓教敬安曰。

讀書明理志潛藏。達道中和氣不昂。舉止從容居上
品。發言謹慎繡文章。包涵萬物無煩惱。忍讓於人不

百忍全書
等量。平性和情非守拙。儒家道德正綱常。又教雇
工曰。前世欠修命不强。今生仗望有人匡。胸無點
墨無知識。口少理言不善良。未學明人家道義。終流
宵小處貪狼。斷金不忌朋友利。何況稱芋論短長。
叫畢。二人俯首謝過而退。此公之善誘愚氓。第二十八
忍也。後人有詩嘆曰。

一賢一拙論爭紛。

啓動文明善誘云。

擊破賢愚同禮讓。

珍奇男子建功勳。

第二十九忍

却說公於四月八日。買放魚鰕。無如浪子八人。臨河候
着。公將魚一放。入河。他等復捕。公對衆浪子哀求曰。願

請列位到家。有酒相款。不可復捕。一人大聲叱曰。你放
你的。我捕我的。與你何干。將待酒以惑我們。言畢下河。
各人爭捕。公無奈。只得拜天而去。忽然陰雲四合。霹靂
一聲。雨如傾盆。八人齊奔岩穴中躲雨。不知上流大水
卽至。淹死六人。尸首未收。鄉人咸呼以爲復捕生命之
報。留此二人以爲明證之傳。此公之放生感天第二
九忍也。後人有詩嘆曰。

放生功德感蒼穹。

閃電雷轟卽刻通。

水淹六人只活二。

異鄉別境好聞風。

第三十忍

却說公倡首建修大橋。自捐百金。衆首亦募九百餘金。

修建時。公逐日經營。絲毫無漏。內有一首。欲侵蝕公項。無機得便。遂流言於衆曰。公藝建橋。假公行私。募衆以財。以飽一己之囊。公聞。佯爲不理。只督功成。一日告竣。公請衆首清算。除捐募之外。長費百金。公對衆曰。長費之項。又將如何。衆人無言。公曰。此項亦算吾捐出。衆人唯唯稱讚曰。惟公藝真積善中人也。古云。德修謗興。道高毀來。惟在上天之賞罰耳。上一月。謗公之人。染瘋症。表明公作善肫誠。並無私曲。鄉人無不驚異。此公之受謗成功。第三十忍也。後人有詩曰。

善事終於善。

狂言枉用心。

餘殃分彼此。

賞罰鬼神欽。

第三十一忍

却說公之近隣一黃姓者。慣喂禽鳥。又能打鎗。一日正打鵲歸來。公路中迎請。一旁坐定。設言以相勸曰。諸般物命。係天心。資與世間報時辰。四時八節。聲聲應。春夏秋冬。各顯形。農工商賈。知時務。走獸飛禽。共一情。未討人間衣與食。春餓冬寒。有誰親。抱崽猶如人做活。求食好似負柴薪。隱來隱去。防人見。又恐人謀用網繩。失防悞入牢籠計。夫妻母子。痛哀呻。母鵲一死。形影隻。公鵲若亡。打單身。彼山哀吟。此山轉。不思飲食。物同人。仁義禮智。信物曉。五德雞鳴。乃司晨。上帝好生。諸物命。傷胎破卵。墮沈淪。或是少年減壽。

算。或是一生受苦貧。世間多少傷生報。發富發貴爲
何因。諸佛菩薩原由看。那個持身不慈仁。勸你回頭
改業罷。莫將玉體入迷津。

咏畢。黃姓叩首曰。感公指教。沒世不忘。黃姓回家。遂將
鵲放。燒毀一切捕具。焚香立誓。永不傷生。買放贖罪。後
大發達。此公之重生憐人。第三十一忍也。後人有詩曰。
大人愛物喜天心。感格三曹神聖欽。
苦口勸人回正道。揚名虎嘯又龍吟。

第三十二忍

却說公家死一老牛。公呼人埋之。不期一河南人過路
窺見。回邀街上浪子十七人。晝夜來盜。公家人一見。速

報公。公卽來阻。不期夥黨手執凶刀。口呼殺人。佔搶而去。家人齊見。欲奪。公急止曰。恐開大事。儻他挈去。強人回街。將牛肉宴酒。暢飲。不卜。天來報應。人豈得知。酒畢。將餘肉均分。不平。夥類相打。持刀亂斫。斫死三人。一街開動。驚動首人等。將此黨悉鎖送官。官訊其實。將十五人亂棒打死。出示禁革。後有食牛肉者。拿獲賞錢十千文。犯者剥皮示衆。一縣中除盡此弊。此公之受搶能容。第三十二忍也。後人有詩嘆曰。

報應昭彰定不差。
強人自取敗亡家。
太牢有功於世上。
切忌充腸用瓜牙。

第三十三忍

却說公倩一長工姓周者。初一二年。公早晚談仁道義。周姓聽從。活路忠心。在後三四年來。閱定公天性不依教訓。傲性無比。常欺侮公。公概讓他。年滿算給。周姓以爲慣由。第二年幫主六人。未滿一年。第三年年歲大荒。竟無人請。周姓無方便。作乞丐。饑瘦不堪。家人施飯一碗。未食完。竟死了。公措木匣埋之。指引生方。此公之容。怒小人。第三十三忍也。後人有詩嘆曰。

卑下欺尊大不良。
主人容你有天殃。
世間多少欺心輩。
死後何以見閻王。

第三十四忍

却說公一日禮場。見路旁一婦。攜男痛哭。公近前問曰。

奶奶何故悲哭。婦拭淚答曰。妾有難言之事。客人請去。
公曰。天地間豈有難事。願聞其詳。婦曰。客請旁坐聽奴
一一道來。哭曰。

不怕羞慚訴一言。客官請聽要耐煩。我父有名封貢
士。將奴適配胡鳳騫。于歸三載尊翁逝。晚姑心狠不
可言。丈夫生兒纔歲半。京都開選會魁元。一去會試
六載半。渺無音信回太原。繼母磨我黃連苦。慘我撫
兒菜根餐。兒今八歲未曾滿。殊知今日要分離。母生
計毒令我死。敢惜微軀作賤人。私鈎一夥無聊棍。要
將我嫁別爲婚。幸我娘家隨來僕。私聽商量對我言。
今夜要來把我搶。今晨母子乃私奔。逃此無方生計

較看看要把命來傾。丟我傷心兒一個。閻王殿上把
冤伸。

哭畢以頭撞石。公急止之曰。有吾救你。不可輕生。問曰。
聞所哭之言。曾讀過書。婦曰。在家讀書十一載。我名叫
做封連英。公曰。娘家隔此何遠。你的父母兄弟還在否。
婦曰。娘家隔此九十里。父母兄弟已無人。只有叔名封
仕舉。是個廩生。作西賓。聞在關帝廟設帳。離此四十里
路程。公曰。你暫往伊處躲避。婦曰。脚小難行。肚又餓。恩
人打救作便宜。公曰。我備錢喊轎子一乘。送你母子到
封仕舉館中。婦曰。恩公留下芳名。待奴結草啣謝。公將
已姓名告與婦知。於是公場也不趕。卽回家修書一封。

具錢二千文。着人速與胡媽送去。使人將書信與錢交
接清楚。卽回。胡媽喊人開緘看唸曰。愚兒胡鳳騫。跪稟慈親前。叨承祖宗德。會試及科聯。
朝廷公事大。羈身未得還。修書知母意。教訓我妻賢。
來春回母命。領旨奉朝宣。書言難盡表。懇母赦兒愆。
唸畢。胡媽大驚曰。只說我兒死了。渺無音信。不期上進。
完了完了。我曾將他妻子出嫁。得銀三錠。約在今夜接
人。將媳拘於東樓上。急上樓看。媳婦不見。只見雲梯安
起。喚僕問曰。大娘何在。僕曰。今早出門去了。僕又言楊
大五爺乘馬來了。胡媽驚慌曰。逼死我也。遂來見楊大
五爺。將書信遞與他看。看畢。索要原銀。胡媽取交。楊曰。

枉費我力。衆哥弟。你們將此老漢挈回梁山。作爾等歡樂。可憐這後娘。年將五十。被衆嘍羅捉足。擒手飛走而去。此是害人終害己。天理果昭彰。後來春三月。鳳鶯報捷。中魁奉旨回家。曉諭前至。封仕舉。卽送封蓮英。母子回家。鳳鶯歸家。得知冤情。親至公藝家報恩答禮。此公之陰隲憐人。第三十四忍也。後人有詩嘲笑胡媽曰。
無良設計害人家。天理循環報不差。
節婦到頭人打救。老婆自己作琵琶。

第三十五忍

却說公值端午日。拜禮神明畢。忽一人唐姓者。飛奔至堂。言公家僮盜他李子。公徐言請坐。急召家僮問曰。你

爲何糊行私盜人李。僕對曰。久服主人德教。有二。瓜田不納履。李下不整冠。冠尚不整。何敢竊李乎。公亦知僕受誣。細觀唐姓面色如死。公私備錢數百文。叫僕謝罪。僕被誣不服。公曰。你不服。待答杖耶。僕強挈錢。竟送伊歸。殊不知伊與僕有仇。以前殺人案發。無處躲避。與妻商議。暗服毒藥。欲貽害於公。却被公觀其形色。趨吉避凶。使伊得利歸家。是夜毒發而死。此公之察顏免禍。

第三十五忍也。後人有詩嘆曰。

平地風波一陣狂。

誣人盜李昧心良。

惟公有德皇天輔。

察透凶橫免禍殃。

第三十六忍

却說公隣居三十里。一富翁姓高。膝下一子。名尚志。性情驕傲。不遵父教。尚志書理頗明。翁聞公藝賢而有德。時雨化人。同子特來領教。翁曰。久聞先生義方。是訓善道。交隣特來領教。公頻吟曰。生子爲龍美不中。陰功累積感蒼穹。神濟清心明目散。泥團打破孝行充。翁曰。謹遵德教。但小子特來領誨。願先生賜教。以開愚魯。公曰。吾以訓世。俚言一篇。授與令郎。不必以語言教之。卽取遞尚志。朗聲讀曰。爲人子者學溫良。溫良恭儉纔久長。久長着意耐天理。天理昭彰報非常。非常獲福臨忠孝。忠孝傳家定克昌。克昌厥後遺孫子。孫子聰明教義方。義方是訓。

施誠學。誠學曾參孝滿堂。滿堂金玉人倫重。倫重五
常莫持強。持強逞暴難和順。和順夫妻莫慘傷。慘傷
朋友無信行。信行交隣助贊襄。贊襄善事終純粹。純
粹堅持氣色藏。色藏蘊奧無煩惱。煩惱終身性最剛。
最剛必折將來壽。來壽增加厚德揚。德揚遇寵皇恩
賜。恩賜敷榮樂無疆。無疆顯達同悠久。悠久垂名世
代芳。

唸畢。其子汗顏俯拜。願拜爲門下生。此公之德教敦倫。
第三十六忍也。後人有詩嘆曰。

連珠俚句全。善教儼名賢。
生人惟孝友。學業世儒傳。

第三十七忍

却說公一日在外歸來。見母有憂容。公忙跪地叩問。慈母憂容。所爲何事。母責之曰。我昔年費盡心力。苦湊銀錢。爾今浪費作善。恐爾後日受貧之故也。公卽叩首告曰。母之教兒惜錢。蒙母之善教。母教兒少行善事。非爲兒之良法。兒豈不知我母昔日積錢之苦。兒今將母心力之錢。作善。恐母年老。用度不完。將錢忙作善事。實欲增母年於不老之春。兒縱受貧。絕不怨悔。望母寬懷。不必爲兒憂也。天豈不佑善人之兒。而反令其窮困耶。其母見公真心作善。每每督責公身。試公之改與不改。公常流涕勸母曰。兒縱死而不改行善也。後其母賢名遠

播公亦行大彰。此公之諫親行善。督責無怨。第三十七忍也。後人有詩曰。

罔極親恩重。

尤宜報在先。

惟公行善事。

兩大感週全。

第三十八忍

却說公藝正在閒暇。西隣楊仲元來投公。欲興訟事。元因父母俱亡。弟兄六人。仲元居長。爲人本樸。書理頗通。弟等爭分家產。俱厭仲元。少許產業。一弟將元凶打。仲元投明告狀。公勸曰。不可興訟。汝曾讀書明理。若興訟爭產。倘官長斥責。兄不見。弟不弟。紊亂倫常。縱得均平。難免遺臭。不如忍氣爲上。感格宗功。自然發達。仲元曰。

命。何必出家唸彌陀。要想出世圖安樂。不時唱我忍
氣歌。

誦畢。伸元拜公曰。得見先生金石之言。頓開茅塞。吾不
與弟等較論短長。將此歌文挈回。閑在家中。時吟不絕。
後成巨富。一子登科。此公之使人弟兄和睦。第三十八
忍也。後人有詩嘆曰。

涵宏氣質合天心。

好似迷空日照臨。

片紙歌文成孝友。

一家和好似調琴。

第三十九忍

却說公與靈山寺僧人相善。公有一友。姓楊名恩者。知
公忍讓。欲害公與僧構禍。恩將僧穿鞋一雙。私竊來置

公家中欲嫁淫情害公。公忽見僧鞋。卽喚夫人問曰。鞋從何來。夫人曰。不知此鞋。是何小人貽害我家。公沉思良久。嘆曰。吾家清白。豈有私情。此鞋吾能識之。乃僧鞋也。此是他人貽害。欲吾猜疑起禍也。吾交僧友。不是淫蕩之徒。將此鞋燒之。以掩家人之見。遂教家人曰。莫交僧與道。便是好人家。從今決不交僧。數日楊恩探聽。絕無音信。楊恩又去偷僧衣服。仍欲貽害於公。不料被僧人挈着。鬧事不休。僧竟將楊恩送官。官將恩究治。拘囚。敗家而死。此公之受辱不辨。第三十九忍也。有詩嘆曰。

交友深知擇良善。

須防便辟暗謀傷。

高人有識謀難用。

可羨張公忍讓強。

第四十忍

却說公初生一子。家奴僕咸請曰。主母初生大爺。理宜
宴賓作賀。公曰。不可。世之添喜以爲喜。吾乃添喜以爲
憂。僕曰。何以爲憂。公曰。世之逆子多。孝子少。吾德微。生
子不知肖與不肖。豈不憂乎。僕曰。何以解憂。公曰。爾等
遵吾之訓。此子取名曰仲仁。毋許宴賓作賀。亦不宰殺
生靈物命。只用無公雞蛋。此爲不生蛋。爾主母在彌月
中。不許進廚房。入中堂。濯衣洗裳。一切穢水。只傾糞池
中。不許當天露。晒暴露。三光。謹戒穿紅着綠。繡花帽花
鞋。造銀錢等物。悉爲戒除。恐幼兒祈福爾等。謹遵之。旁
有秦長工。亦聞此言。遂對公嘆曰。此真主公之明訓。想

我家昔時。有萬金之業。因好體面。失去。因生我弟兄七人。置七回月米酒。都是演戲迎賓。約殺千餘生。又完婚七次。又約殺萬餘生。且我弟兄。從幼盡是穿紅綠衣服。頭頂金錢帽。手拿繡花巾。四季輪流換。希圖體面光生。衆皆呼我爲秦郎公子。那知福不可享盡。因天旱三年。無收。將衣物等件當盡。累債日深。不覺家業全消。至今想來。悔昔時不知惜福。穿食太過。不知將福折盡。還招罪戾尤多。今觀主人治家有法。看破窮通。禁奢侈。戒殺生。行善事。栽培積福之基。倘我前人。仍然如是。焉得我們營生。在外耶。公點頭咏曰。事非經過不知難。我未知難。預苟安。戒殺放生。除宴樂。居仁由義。素衣裳。秦長工。

亦隨咏曰。事非臨難不知難。我不知難。尙苟安。宴樂當年。圖體面。故今。缺食少衣冠。公曰。聞爾和我之言。今亦知足。爾仔細存心。與我支持事務。加爾工錢二千文。後復成家。此公之治家。攜貧。第四十忍也。後人有詩曰。

居仁由義吉人知。

有法持家植福基。

善誘同人明進退。

守成不敗履平夷。

第四十一忍

却說公往隣討賬。遇一書生。體面不凡。在那娼家遊玩。公招書生近前。問伊姓者。生答曰。姓楊名碧。小字朝陞。公曰。你生是誰。生曰。光裕李先生。公曰。每日功課若何。生曰。講詩文。正字略是崧。公曰。隨講孝經陰騭文否。生

日未也。公曰。不講何以知善惡兩途。生日。請教先生。何爲善惡。公信口咏曰。

萬惡淫爲首。百行孝居先。失足淫人婦。自是罪彌天。
富貴轉貧賤。狂妄昧心田。文帝過慾訓。始學務宜宣。
未行防失足。已行性早遷。世人宜勉力。遠避色魔緣。
先惡而後善。頭上有青天。世人孰無過。改之爲聖賢。
見婦思亡婦。遍體是蛆鑽。花容如姊妹。玉貌已女看。
似花嚴加省。何怕色連顛。守身終大德。立志如石堅。
一片冰心朗。世外學神仙。

咏畢。生頓首拜謝。誓不履邪徑。卽同公往。不料娼婦指
公亂罵。公只不聽。後楊碧上進回家。先踵公門叩謝。此

公之憐人子弟。第四十一忍也。後人有詩嘆曰。
憐人有子免爲非。一片婆心作指揮。
受教日新除舊惡。名題金榜拜恩暉。

第四十二忍

却說公之隣近一人姓封者。家貧無賴。家有五口難敷。
請公到家。支妻出陪公敘話。公曰。你夫請吾來。然何不
面封妻曰。夫取酒去也。公聞言欲轉封妻一手挽留。喜
而言曰。奴意欲與君私通。公大怒曰。賤婦無禮。婦見勢
不投。跪於公前告曰。奴因家有五口。日用難支。與夫議
定。欲迎君至。通以私情。求君悅服。要與君借錢十千文。
以度饑寒。公曰。爾今不要設害人之局。貧人要有節。倘

不顧羞慚。喪失廉恥。違悖人倫。天理不惟窮苦。一生。死
後。還有餘罪。且以言傳。不美。兒女雖免。一世之污。是欲
害人。反以自害。封妻曰。先生言之有理。奈我夫妻家貧。
無賴。公曰。爾夫妻要爲人正大。勤儉持家。不設欺詐之
心。勿用騙人之意。革其舊染。遷善從新。自有發達。囑咐
爾夫。到我家來。吾借錢十千文。與他食米一石。時值牛
貴。因爾夫將錢往賤處買牛。販賣。必然獲利。封妻頓首
曰。恩人如此大德。沒世不忘。公卽轉回家。封姓先到公
家。與公相見。各吱唔別嘆。公將錢願借與伊。食米一石。
將販牛一事告伊。封姓將錢米運回。就去販牛。賺錢八
十千。將公錢米賬項。本利算還。後發大富。子孫感德無

涯。此公濟人之急。第四十二忍也。後人有詩嘆曰。
濟人之急種心田。受騙無煩屈理全。
造道一生惟聽命。金聲擲地善通天。

第四十三忍

却說公室近有一寺院。神聖極靈。每年春祈秋報。禱雨
祈晴。有求必應。公概爲經理。絲毫不漏。內有一人。姓周
者。每遇獻會。疑公浸瀝。私刁衆人。欲奪經理。公聞此言。
卽欲與之。是夜夢廟神告曰。吾神得以長享者。皆由汝
之正大也。亦由汝之管理虔心也。倘或他人經理。實欲
借吾神爲名。而欲暗吞。囑汝堅持其忍。吾神威靈有驗。
汝自觀之。公醒悟。乃曰。神無不靈。因心則靈。信不誣也。

於是公與周姓理對一場。盟心示衆。仍復經理廟務。其時三月開事。至五月二十日。周姓過河。水淹而死。其水源由廟而發。公時對人曰。毀人成功者。斷然不可。謗人爲非者。罪及一身。此公之正直遇誣。第四十三忍也。後人有詩嘆曰。

神合人心地。

虛心聖有靈。

誹謗無他妙。

報應使人聽。

第四十四忍

却說公遇一頑梗之人。姓王者。慣習刀筆害人。私將公之善事。易爲惡事。捏名立白。彰示四方。誣公不明是非。擅行賞罰。有乖王化。敗壞鄉風。時官出經境。得見此白。

只有公藝之名。並無具白人名。官詳明飛黃詐害。先出告示。諭立張公藝白者。來縣領賞金五百兩。王其教白就去呈官。官問此白是你所作。領賞金。如不是你。你知作白之人。亦有賞金。王其曰。是我作。官曰。將筆對字跡。實係不差。官將王其鎖禁。一面差喚公藝。公至官前。不知何事。官曰。張公藝任事。賞罰逐一伸來。公曰。明可朗鑒。吾之任事太多。忘却何賞。何罰。請令司賞明至吾鄉中。隨喚地隣人來。言却是實。司曰。退去。官派差役提鄉人到。聞公受曲。一日遂進呈詞一百二十張。俱言張公藝。厚德君子也。官卽旌公藝匾額。禮讓一方。杖責王姓。鑿二指刺字示衆。公卽哀求官長。責打猶可。請免鑿指。

刺字。念伊家有老父。官准免。大服公仁德慈讓。此公之
憐人罪苦。第四十四忍也。後人有詩嘆曰。

排難解紛事實難。

善人擊破小人肝。

惟公禮讓和隣里。

請免官刑刺字刊。

第四十五忍

却說公有一密友。姓王行長。弟兄二人因欲分居。弟兄
同請公見證。公勸弟兄曰。天下無不是的父母。世間最
難得者兄弟。分居雖是常情。亦失一二老長守之望。且世
之所難得者。富與貴耳。爾等分居。無非欲求富貴。但不
知富貴之理甚大。何也。非天理不能致富。非天理不能
致貴。循天理者。必去夫外誘之私。而充其本然之善。視

聽言動。悉皆惟善可爲。行天理者是也。苟欲圖其遊佚。言安。只想分居。不經善行。不存天理。痴心妄想。不惟富貴不得。且自墮入貧窮。悔將何及。願爾弟兄。久處一家。上安二老之心。以免鄉人之議。詩云。宜兄宜弟。而后可以教國人。王氏弟兄。叩首謝公。不言分家一事。此公之教人友。恭長守。第四十五忍也。後人有詩嘆曰。

教誨全天理。

天嘉富貴生。

勸人行孝友。

仁愛著芳名。

第四十六忍

却說江生之婦。柴氏來投公。言丈夫常習嫖賭。昨日趕場。輸錢歸家。勒要衣衫去當。奴家不肯。夫持刀欲殺。奴

因無奈。特投先生。請教訓夫。備夫聽從。改邪爲正。妾沒世不忘。公曰。爾丈夫曾是讀書人。何乃欠明大理。氏曰。奴屢勸挨打。無方投告。公曰。此回輸錢幾多。氏曰。一千九百文。公曰。吾有事羈身。未便勸爾丈夫。吾暫借錢二千與爾。隨寫信一封。爾挈回交與爾夫。自能改悔。氏曰。蒙公慷慨。我不如挈錢。恐後難還。公曰。爾儘管挈去。如爾夫不肯改悔。此錢挈去。就是氏叩頭歸家。見夫怒猶未息。乃上前告曰。奴往張公藝家借錢二千文。公問奴借貸之由。奴言與夫開賭賬。公慨允。隨帶書信一封。叫上附夫君。遂呈書與夫。夫折閱。唸曰。

異端斯害。論語篇教人。正道理無偏。標榜兩途。居下

品。請君急把念頭遷。人生在世知行止。報應循環在
目前。淫人妻女終自害。誘人賭博匿私筵。天降巧罰
淫和賭。顯報逆子受顛連。浪敗產業休妻子。絕嗣夭
亡受熬煎。擇善而從真吉士。齊家裕後算明賢。寡過
急宜思。伯玉遷善無不畏蒼天。口讀聖賢書中理。糊
塗作事負師傅。父母育兒千萬苦。只期紹啓遠香煙。
後裔若犯淫與賭。虛負一老用心田。勸君急早回頭
罷。能保子孫福祿全。

江生唸完。滿面通紅。叫妻曰。我誓不嫖賭。待明日我將
公藝之錢還他。叩謝指示之恩。後果發達。此公之以義
規人。第四十六忍也。後人有詩嘆曰。

百忍名書
棒喝癡人醒。
能除淫賭病。

如仙一粒丹。
閱者亦懷安。

第四十七忍

却說公見隣人李權之子。取鵲兒五個。公哄小兒。遂將鵲兒放了。又見大鵲仍哺不善。李權最喜鵲肉。聽兒回言。張公藝放鵲一事。時因酒後。乘醉急來。公正在觀鵲尋食。忽然大吼一聲。呼公便罵。仍要還他鵲兒。不然要打。公無奈。只得上前。將好言撫慰。誑言別人取去。難還。李權越發不依。公只得將錢一百與之。方休。時近晚。李權回去。將棒亂打小兒。小兒忙奔跌岩。傷斷右腿。擡回傷重。李權酒醒。悔之不及。不日子傷發。亦死。後久。李權

問公曰。放鵲有何好處。公曰。天地之大。德曰生。故感應篇云。不損其胎卵濕化。重申陰騭文云。勿登山而縱禽鳥。文帝此言。人當遵之。不致殃妖。權曰。早知如此。豈遭報乎。此公之受辱感。人第四十七忍也。後人有詩嘆曰。物命雖微。放得宜。天心善重。少人知。報應昭彰。無曲理。只爭來早與來遲。

第四十八忍

却說公出遊訪友。路遇一老婆啼哭。旁來一男子亂吵。公近前問曰。奶奶何其啼哭。老婆揮淚曰。客人有所不知。我的苦楚難言。出口公曰。有何冤情。實說。婦指男子曰。此是我子也。五歲喪父。我家又貧。受盡苦楚。將子撫

至十三歲家只有八斗糧土。我屢年割草賣。幫人做鞋縫衣。支持費用時多。歛食纔將子幫周家放牛。兩年無錢。至今幫陳家長工。五串錢一年。去年只掣錢八百文。與我今年我多病。幫人不得。難支食費。特來叫兒掣錢幾百與我。我兒反吵我。我來時聞有人言我兒不成才。將錢淫人之婦。我初不信。今觀此情形。却是實的。客人你看此逆子。還是人否。公曰。吾看你子眉清目秀。雖是下力之人。必定聰明。只怕無人提醒。其子問曰。先生貴姓。公曰。張公藝。卽是。請問你何姓。答曰。姓王。名曾堂。公曰。你母言苦慘。曾堂滿面通紅。不答。公正色曰。天地間父母爲大。人不知孝父母。獨不思父母愛子之心乎。十

月懷胎。受盡了難言辛苦。三年乳哺。費盡了無數劬勞。百計經營。千辛萬苦。亦只爲兒身與家耳。又況你母居孀情狀更難。省食儉約。以保其貞。謹身舉趾。以安其靜。可謂守節之有要也。你何作豺狼之毒性。爲虺蛇之邪行。悖滅天倫。敢與爾母應嘴耶。昔人云。生身父母比青天。敢向青天驕慢試。看大家出王侯公卿者。誰不從孝弟立基。發富長享者。孰不賴栽培之有德。曾堂曰。我未曾讀書。無人教訓。聽先生之言。我實錯了。公曰。爾看體孝者。富貴兩達。淫人婦者。絕子亡身。報應原有早遲。人當趨吉避凶。改過遷善。曾堂卽跪地與母賠罪。又謝公教訓之恩。竭力事母。後成孝子。此公之善教感人。第四

十八忍也。後人有詩嘆曰。

孝友之言不等閑。

能令逆子五倫全。

鼎新革故天神佑。

公藝明言可列仙。

第四十九忍

却說公有一密友楊亨。來訪公。公迎入書房。談叙舊好。楊亨進言曰。公道理深明。任事有節。祈示吾以節慾之法。吾未能淫人妻女。但目之所見。意便搖動。在己之妻。又難於有節度。不能禁守。未知身累何障。煩台教我一法。公笑而不答。亨遂進前。與公一拳。大喝曰。求爾無言。反墮所笑。公急請亨坐。答曰。淫之一字。易墮其害。欲免其害。必用法戒。倘遇他人婦女。先存若姊若妹之心。年

老者視之如母。年少者待之如女。前人有戒淫詩曰。美色人人愛。皇天不可欺。我不淫人婦。人不淫我妻。此方是除外誘之淫。又戒過度之慾。詩云。火動思亡婦。蛆穿不像人耳目。手足朽臭氣實難聞。此卽破色魔之障矣。亨卽謝曰。多蒙金石之訓。適來悞犯。望其恕罪。此公之訓人除淫節慾。第四十九忍也。後人有詩嘆曰。守節非凡不亂淫。方知有法治淫心。令人觀此如神化。可羨張公法戒深。

第五十忍

却說公延陳生講讀。所備束脩甚厚。不料陳生涵養未到。性情未純。每每懈怠功課。不盡其職。持文欺公。公一

概忍讓。不與計校。陳生習慣。自敗書香。下年辭生另接。生往他處尋一館地。未滿一年。與東主計校。訟於官。官斥生敗亂聖教。受責回來。自此人皆惡之。館不能就。常對人言。能套哄教課一事。不卜年荒。衣食不繼而死。無人掩埋。公念係主賓。備衣棺埋之。此公之尊重西賓。第五十忍也。後人有詩嘆曰。

是是非非報本平。善昇惡墮不容情。

忠心一片方爲貴。豈可詩書悞後生。

百忍全書上卷終

百忍全書下卷

第五十一忍

却說公乘馬庄外閑遊。西隣汪子。指公便罵。僕夫欲打。公曰。不可。造次是吾微幸也。次日汪父來與公賒米。僕告知汪父。汪父與公賒罪。公曰。並無此事。汪父將米負回。不料此子又罵南隣黃姓。被打回家。至晚而死。訟於官。四隣拖累。惟公獨免。此公之受辱獲福。第五十一忍也。後人有詩曰。

世人受辱論輸贏。

難得含宏見理明。

禍福無門原自召。

惟公迎吉履衢亨。

第五十二忍

却說公與王姓買牛一隻。價錢十二千文。公牽回喂養。兩月。王姓被旁人刁唆。言此牛要值錢二十千文。王姓將錢還公。勒要退回。衆言無此情理。公將牛牽還王姓。衆笑公懦。王姓牽回。恰次五日。牛病瘟死。王姓將牛剝賣。遇黃三哥稟稱。王姓宰殺耕牛。時官嚴禁此事。王姓畏法不前。賄賂差人。費錢三十餘千。將案回消。鄉人見知驚奇。咸謂公有神佑。此公之容人獲利。第五十二忍也。後人有詩曰。

容人不是懦。

讓他遭別個。

賞罰甚分明。

天公戡平過。

第五十三忍

却說公與江王二姓共堰水。公田落底。二姓味良私商。時天旱。阻公不許放水。對公家人曰。你主人若要放水。每年我兩家各要恁租谷一石。方許灌放。家人對公言。二姓要取租一事。公思之良久。嘆曰。人善被人欺。馬善被人騎。果明言也。家人說此堰原是古規。阻我們不住。他若橫強。告於官長。有何不可。公示家人曰。讓他強時。必有天爭訟。不免喪心田。不如建鑿池塘水。應用盈餘。福保全。

公於是卽喚家人於田首另挖池塘。江王二姓和久生厭。又值天旱。仍爲此堰相爭。打傷告官。官責王姓傷人眼目。擬充二姓因訟致貧乏。共一年中將田並賣於公。

此公之忍。認得全。第五十一忍也。後人有詩嘆曰。

心地光明厚。

平生得自由。

一團和氣象。

本分向天求。

第五十四忍

却說公近隣四十里有一齋生姓方。名悟成。齋戒修行。頗有進步。但於父母兄弟前未盡倫道。公亦素識其人。一日來訪公。公邀至後堂茶罷。悟成曰。久聞公廣行陰。隲又能忍人之所難忍。特來請教。公曰。山野村夫。蓬廬陋質。何勞屈駕風塵。且言重如是。成曰。吾因修煉有年。微知道妙。特約公同修。上證蓮位。不識公意若何。公曰。善哉善哉。但不識證位從何修煉。請道其詳。成曰。先持

齋百日。誦經禮懺。戒殺放生。外求明師指引。採藥煉丹。九轉三還。功圓果滿。卽丹書下詔。脫壳飛昇。得證蓮位。公曰。聽臺下所云。此乃先天大道之功用。上品上乘之妙法也。吾聞大道十二萬年始一傳世。非人所易得聞。亦非吾輩所能體。其萬一故聖門七十二賢。惟曾子受一貫之傳。子貢得聞。姓與天道。臺下旣聞斯道。實屬萬幸。但必須先盡人事。五倫無虧。八端克守。屏除酒色財氣。斷絕癡愛貪嗔。由人道而修天道。方可成仙成佛。若只徒齋戒誦經。又不遵行經義。父母不孝。兄長不恭。處事一味糊塗。待人十分刻薄。此雖持齋悟道。吾恐終遭雷擊。而墮阿鼻地獄矣。古語云。三教原來無別法。要從

孝弟立根基。世人若不敦孝弟。徒齋與佛。有何期。以斯言想來。凡聞道與未聞道者。皆宜盡人事。以聽天命。不然。雖坐破蒲團。亦何益哉。吾願臺下敬懍。斯言毋忽。成曰。據公之論。毋乃從儒之三綱五常爲正。何上古不滅釋道兩教耶。公曰。儒三綱釋三皈。道三花。理原同一。吾何嘗謂從儒爲正耶。但以百行莫大於孝。卽自古聖賢仙佛。皆從倫紀中而來。子果能體佛以慈心。體道以靜心。學儒以養心。而歸本於孝弟。則人道克全。而天仙自證也。又何必舍近而圖遠哉。文帝云。報答四恩。廣行三教。正此意也。又況爲人要識時宜。方不至弄巧反拙。如父母俱亡。子女婚嫁。倫道無忝。然後尋師訪道。覓友。

求賢念佛修道以隨緣。令佛令道無指責。不惟一舉而成。還能克昌厥後。若人事未盡。妄冀出期。佛道豈佑逆子乎。悟成聽罷。乃曰。蒙公指教。吾愧多矣。敢不承命。由是承歡養志。敦倫飭紀。後果證仙品。此公勉人盡倫修道。第五十四忍也。後人有詩曰。

三教原來理本同。修行卽在五倫中。

果然造到純全地。管許蓬萊有路通。

第五十五忍

却說公之夫人陳氏。見公待人過厚。費用甚大。遂生厭心。一日對公曰。夫君要立志剛強。無自懦弱。不惹人欺。操家以儉。不致取敗。方爲巨擘。何夫君又忍讓。不節用。

是何見歟。公曰。賢妻之論。久明大理。俗云。人惡人怕。天不怕。人善人欺。天不欺。賢妻試想要從人乎。從天乎。陳氏曰。妾不知其義。公曰。從人者難免。依世俗作奸犯科。逞勢欺人。沽買惡名。暗招敗戾。近報在己。遠報子孫。焉得爲美乎。吾正欲人欺。暗招福祿。所以念人人共天地。賦生均屬上天之民。當體上帝好生之心。以邀天眷。不爭強。不恃勢。多忍讓。勤積德。豈不受辛苦而成大器乎。至於儉約。亦當因時。但你們婦女爲人。猶易遵三從。從父。從夫。從子。體四德。婦德。婦言。婦工。婦容。凡屬女流。賢良而已。爲男子者。難易稱耳。學以溫良恭儉讓之五德。視聽言動之四箴。積德行仁。任家處事。貧家小戶。以

勤儉爲貴。富家尤不可草率。當施不施。天不與。當積不積。一世貧。故大學云。修身齊家治國平天下。俱有制度。何可不豐儉得道乎。陳氏曰。非夫之論。妾不明也。此公之相樂訓妻。第五十五忍也。後人有詩曰。

文明爲聖哲。

德配女中賢。

立談垂世則。

留與後人傳。

第五十六忍

却說公一日趕場。見路旁睡一人。近附身過。此人驚醒。擡頭一看。卽上前將公拉住。公曰。爲何阻我。其人答曰。你乘我醉臥。拿我的錢。遂將公肩上搵的錢一千文。拿去。二人言論未休。又來旁人。便問其故。二人各吐其情。

分解一同上街。憑場保理辨。一同至此。場保先問重酒者曰。你的錢幾何。答曰。我家有九口難敷。特到舅爺家借錢一千文買食。醉臥路旁。不料此先生私拿我錢。挖起。保曰。你錢是那樣串子。答曰。麻串子。保拿錢一看。果是麻串。保曰。串子雖合。不足爲憑。吾素知公藝先生君子也。公曰。吾非君子。亦知見利思義。伊強誣於吾。吾立誓可分也。又想陰隲文云。濟人之急。得其宜也。保曰。先生明德知止。惟自裁度。公遂問失錢者何姓名。答曰。姓袁名長安。公曰。你方失錢一千文。還有別物否。長安曰。無他物也。公曰。我憑衆將錢拿你去。衆人阻曰。焉有此理。叫他對天立誓。不可將錢輕與。若忍讓與之。反墮其

辱公曰。有勞衆位明訓。吾意已決。人雖辱吾。諒天不辱吾。各臺要憐憫長安家有九口難敷。尙家人知他重酒失錢。不免爭鬧不和。恐後有不測。吾以錢與之。全他一家和好。衆人皆曰。公藝真君子也。長安將錢拿起。不言而去。公曰。吾將買猪不料又買不成了。衆人皆哂笑而散。第二場有二人於街相打。來憑場理論。一名郭七。一名楊寶。郭七言前場我與楊寶同路。見路旁醉睡一人。身旁放錢一串。寶私拿時。言與我平派。殊知楊寶拿回。不分。是以爭鬧。楊寶言是我檢的。場保大怒曰。狗子二人夥盜人錢。貽累張公藝。平白摯錢。又且你二人越市行凶。急呼人將二人拴鎖。一面命人趕公藝。公謂來人

曰。有勞場保動念。吾自感謝。但吾有事羈身。不能得來。來人回告場保。言公藝不來。場保遂問鎖起二人。曰。你二人願送官。願受罰。二人齊言願罰。場保評曰。楊寶乘醉盜人錢。罰錢五串。郭七從私。見利欲分。罰錢二串。俱作修路之用。刊碑示衆。此公之受冤不白。第五十六忍也。後人有詩嘆曰。

受冤不白本難爲。

公藝慈悲量出奇。

場保不愧公平罰。

刊碑勒石使名垂。

第五十七忍

却說公之近隣汪老家。貧無子。單生一女。名喚秀貞。許配王金。年方十六。未嫁。老母亡故。汪老年亦六旬。忽染

病在床。三月不起。秀貞每日割草課食。兼侍父病。慘不可言。一日來公家賣草。對公告以慘切之言。淚如雨下。公心不忍。遂周錢二千文。食米五升。教訓秀貞。閨房謹慎。早晚當天焚香。仍過祝告。減已之壽。以增父年。神靈必佑。病可得愈。將錢措費。交家門長者代買。亦可。又引前輩古人行孝守貞教訓一番。秀貞洒淚叩頭。時拿錢之際。旁有近隣余壽。見秀貞容貌俊秀。拿錢出庄。余壽隨後跟來。巧語調戲。意欲行姦。秀貞志若金剛。詈罵而去。余壽見機不投。狼心不息。遂到王金處。誑言公藝拿錢與汪秀貞買合私情。王金聞言。遂不完婚。另請媒選配。汪老病愈。催促王姓完婚。王姓出言。臭不可聞。汪老

告於官。官拘究問。王金說出余壽言。張公藝以錢買合。汪秀貞與之私通。官又拘余壽與汪秀貞一同究問。責打余壽四十。余壽吐出真情。言公藝周錢送米。教秀貞謹守閨房。焚香告天。祈保父病早痊。並無歹意。秀貞又說。余壽見我拿錢轉身。隨後跟來。言語不潔。將奴百般調戲。奴將鑷刀加在頸上。他若舉手。奴將割死。余壽方退。公藝先生是我活命恩人。施錢送米。全我父女兩命。令尹聽罷大怒。喝將余壽舌頭割去。流血滿地而死。金父王正席聽言不察。杖打二十。令門子卽備香燭。令王金與汪秀貞對官成婚。官又贈公藝匾云。義全兩家四字。派人送立此公之周濟得顯。第五十七忍也。後人有

詩嘆曰。

義字合全施。

一家得之奇。

狂徒除舌本。

作鬼亦无辭。

第五十八忍

却說公之隣友楊廉。與妻吳氏。時而口角不休。亂打器皿。廉父託公勸戒。公允諾。忽一日。楊廉來與公借書。公曰。別書無益。我有一篇訓夫婦俚言。讀之有益。廉手接過。遂讀曰。

妻緣乃是前生定。夫和妻順休爭論。一世修來同舟渡。二世修成爲夫婦。夫莫嫌妻容貌醜。醜婦能賢多發富。妻勿嫌夫家道貧。貧富循環有定數。各體二家

父母心。周男嫁女殊辛苦。只期娶媳圖養老。香煙繼
續根本固。撫女出閣願佳名。只望百年多看顧。殊知
夫婦竟不和。暗鬧時吵把氣做。夫見妻身便黑臉。妻
見夫容多厭惡。搭家弄伙不成人。夫妻反目多貽悞。
只論爭強把氣傲。不怕二家親憂怒。孝道未盡於親
前。家醜傳入他人戶。行在人前莫人尊。落在人下不
悔悟。朋友欲交多怕你。背地長短難辨訴。古有梁鴻
孟光賢。齊眉舉案芳名著。雞有五德用目看。雄雌覓
食還相護。頑人不識理和情。不如雞禽無羞惡。爲夫
要和妻子情。爲妻要順夫內助。天言不義休開口。妻
語無情捫舌住。既往言語不可追。以前過事不算數。

切忌。嗔罵爹和娘。誰無父母不稱怒。先進後進皆如此。前輩後輩遲一步。聽我俗言回頭想。革故鼎新由義路。夫婦和而家道成。天地和而雨澤布。和順二字值千金。勤儉同心家必富。夫婦和順把孝成。後裔繁昌。天眷顧。

楊廉讀畢。滿臉通紅。拜公。乞將俚言帶回對妻時念。自此夫婦和睦。家亦大發。此公之善誘施仁。第五十八忍也。後人有詩贊曰。

和情多化境。
如天如地妙。
善誘感人賢。
覆載德無偏。

第五十九忍

却說公之東隣有二生。一名黃蒿。一名廖雪梅。因爭學堂教課。憑公理論。公問二生曰。束脩幾何。一生答曰。八十一千文。公曰。你二位學中明人。不用口詞。各書一絕。以敘其情。令黃生年長居先。蒿書曰。只爲家貧去舌耕。書齋度日。本真情。惟君惻怛。游於藝。廖子徐行。敢忿爭。廖生又書云。胸潛學問。舌爲耕。訓課雞窓。妙有情。錦繡欲彰雲滿紙。黃蒿敢與雪梅爭。齊遞公前請閱。公遂援筆分辨云。一貫傳賢。遍學耕。仁心仁聞。義爲情。束脩已上。平均派禮。用中和。貴息爭。公書遞二生。俱大悅。遵公之斷。結爲朋友。誓同患難。均教一館。衆東一喜。公復出對云。三省修身。大賢氣度。黃蒿對云。九思持已。君子經。

綸。雪梅對云。四箴全體。仁者安仁。衆皆悅服而散。此公之舉賢。第五十九忍也。後人有詩贊曰。

兩學欣然感至公。

義全會友館相同。

經綸一舉完三善。

智者雄豪道德通。

第六十忍

却說公有一密友楊義全。時行方便。任事有節。累家不祥。許神不應。祈佛不靈。一日遂對公曰。天地間諸神不靈。枉費祭賽之貲。公曰。豈不靈乎。義全曰。君知我行事。反遭困厄。反受惡報。公曰。作善者以仁存心。以禮存心。非徒事神而邀福也。如文帝云。神明宜敬而遠。毋爲諂瀆鬼神。又云。神靈不爽。天聽惟聰。義全只知善行。不知

成器哉。卽如頑石成玉。豈不受切磋琢磨之苦。焉得成至寶而感。皇上之欽重耶。卽爾之善行動天。此必天之大憐於爾。故獲此況。只宜時時返躬自問。刻刻存心。近仁。何怪神不靈而自暴自棄哉。吾因世風有感。俗事累心。六字俚言。未暇搜求經典。敘以粗詞。請君較正。幸甚。義全喜曰。願借一觀。公取遞。笑曰。鄙俗莫晒。義全接而唸曰。

聖云善人未見。得見有恒可好。吾思恒者有限。得見存心可考。存心要矜細行。存心涵養可討。存心積德行仁。存心公平是寶。存心簡奢不作。存心善事二老。存心陰隲流芳。存心忍讓爲好。存心友愛兄弟。存心

夫妻相保。存心待朋。以信。存心隣里。懷實。存心報答。師恩。存心憐貧。敬老。存心矜孤。恤寡。存心排難。分曉。存心守身。無淫。存心懲惡。善表。存心敬惜。字跡。存心憐物。命小。存心牛犬。馬力。存心宰殺。戒了。存心不義。全拋。存心貪利。離了。存心聽天。安命。存心萬善。宜早。存心一片。冰心。禮神。方可請禱。存心如此。婆心。天地。未有不保。假如不善。存心。令人啼淚。滿襟。誤作。誤爲。不少。還在。自號。很人。存心不孝。父母。子亦不養。他身。存心弟兄。忤逆。後代。照樣。相爭。存心夫妻。不睦。家業。取敗。難興。存心交友。不信。反招。有事。禍臨。存心待隣。姦詐。四隣。誰與。心真。存心貪謀。嗚害。福折。自己。兒孫。

存心忘師負義學術一世難成。存心瞞老欺幼連累空乏其身。存心欺孤逼寡反累孤寡無憐。存心淫人妻女自己妻女還人存心不惜字跡生子蠢鈍不明。存心不惜物命多怪染病亡身。存心喜養鵲鳥常招非禍來侵。存心恩將仇報自敗無人施恩。存心陰謀詭譎每多斬絕子孫似此存心祀神天神聞奏生嗔。世間循環報應反怨天地不靈。如人早識其意還要一念存心。

義全唸畢。伸揖謝曰。此亦如天之警我存心也。公曰。言詞粗俗。君莫見笑。義全曰。於今賢少愚多。欲行天道者。非勸化。感人不能就也。君之通俗明情。亦如天道之行。

耳。願請回便觀。以警心目。從此義全善行愈深。次年一子遊泮聯捷。此公之約禮同人第六十忍也。後人有詩嘆曰。

引導人終善。

惟公化若神。

存心如日月。

照耀本天親。

第六十一忍

却說公之近隣楊才者。因妻患眼疾。值八月初二日。來公家覓方。公曰。凡婦人患眼病者。多時灶神作祟。婦人家不知敬禮灶府。觸犯招尤。今夜正好具文懺罪。如吾家。年年今夜祀灶贖罪。所以家室平安。人物順遂。才卽請曰。望先生與我作一祝文。是幸。公曰。然也。於是規折

雲箋揮毫。便寫其文曰維神。

坐鎮東厨。恩膏常普。贖罪消愆。祈神作主。錫福降祥。惟憑灶府。聖誕恭逢。虔誠化楮。今此下民。恒多罪咎。身染洪災。雙眸痛楚。不但語言。常常觸忤。灶內鍋中。水柴穢腐。罵犬打雞。時聞咒詛。日用操刀。擣葱蒜蔬。臭濁頻遺。赤身避暑。晒露衣裳。當天戲侮。八節行刑。初一十五。吟詩誼誼。敲鍋擊釜。熬葯煎茶。不時鼓舞。禁忌未能。不尊神祖。叩懇慈悲。救諸罪苦。神壽無疆。恩流下土。目疾痊平。殊難報補。謹祝公將文交才。才又請公代讀。焚化後。初四日。才又來叩謝。言妻之目疾已愈。此公之代人免苦。第六十一忍也。

後人有詩嘆曰。

隣人問吉凶。

一念感靈通。

祈神除目疾。

隨地是陰功。

第六十二忍

却說公藝時行惜字。偶到林喬家去。見堂屋壁間故字。又見林喬未在家。遂與林婦言收故字。婦曰。儘管收去。公就將故書與壁上故字悉收回家。不期林喬一回。婦以收字故實告林喬。聽畢。心生一計。隨後趕到公家來。誣公盜書。公訴明實情。林喬越是不依。話極難聞。公哀情不已。遂將錢五百文與之。方去。是夜公生一子。取名仲義。一家懽喜。次日林喬復至。公問曰。何事。喬曰。昨夜

雨大。我屋後田崩。水浸墻倒。將牛兩頭打死。土墻甚厚。特向先生借鋤幾把。公聞言。憐恤不已。遵人去。幫此公之賢。不責愚。第六十二忍也。後人有詩嘆曰。

信善天嘉善。

人賢世仰賢。

無窮深意味。

惟德動諸天。

第六十三忍

却說公之寄親馮貴者。來公前請教惜字功德。公曰。凡惜字善報。難以枚舉。如覺世經云。求子得子。求壽得壽。富貴功名。皆能有成。凡有所禱。如感而獲。然舉此念者。必要存心眞惜。乃獲善報也。馮貴曰。何爲眞惜。公曰。不輕點畫。不棄將成。臥房勿藏片字。床下勿用置錢。灰沙。

不可書字。器皿勿用字號。棹硯不可圖字。字紙下面勿書。下筆有關倫常性命者。謹忌勿書。事事遵行。時時不怠。馮貴又曰。不惜者所得何報。公曰。其惡報只可略說。如癡聾音啞。瞽目足跛。疥癩瘡癬。非殃橫禍。斬滅書香。是也。時家人獻茶。公邀馮貴對飲。貴又曰。從前器皿用雕字號。何方惜之。公曰。損器埋土亦可。貴曰。兄台未必眞惜字嗎。公曰。予雖不敏。願聞賜教。貴將公所獻茶盤。隨手打碎。指而言曰。張記爲何。公起席謝曰。蒙君引導。教我經心。貴亦謝曰。兄莫見怒。決矜細行。吾感公之教。沒世不忘。貴回家。惜字異常。後三子登第。公將前人遺下器皿。檢驗遇有字號。不問重用。悉埋淨土。此公之感。

人反已。第六十三忍也。後人有詩嘆曰。

惜字陰功福必加。

時行經理勿爭差。

一人知識難全盡。

以友輔仁共發華。

第六十四忍

却說公藝往表親楊宏家去。宏治酒相待。席間宏請曰。表兄高見爲吾一決。公曰。願聞兄言。宏曰。吾僅生一子一女。子已完婚。女幼時曾許王成秀之獨子王章。下聘時。秀家饒足。不料秀死。王章因困書理。有怠持家。至今窮迫無聊。吾託媒與王章言退親一事。章已應允。請兄裁度可否。公曰。此事決不可行。若行此事。有干國法。悖義乖倫。姻緣錯亂。兄要知朱子云。嫁女擇佳婿。勿索重

聘。况令婿深悟詩書。必成大器。古言寒士多賢。兒何惑於富貴之見。而取怨於一方之人哉。宏遲疑不悅。後將女另許。王章聞知。控於官。官令楊宏帶女一同究問。官先喚楊宏上堂。問曰。宏愛富嫌貧。杖責二十。宏連聲曰。願罰我身弱。不堪受刑。官曰。罰你五百金。宏滿口應允。官飭本日卽繳。押出去。又喚王章問曰。爾爲何敗家。章曰。生自幼攻書。未經家務。因父母俱亡。葬祭譚禮費累債取敗。官曰。幸爾未入嫖賭下流。不然定然獲罪。你家門族長。還有否。章曰。俱無。官又見章儀表不俗。正值三月三日。出一對。令王章對來。官云。孝感春風吹上巳。章對云。恩攀時雨洒元辰。官喜曰。是吾門生也。官又問宏。

女曰。爾願配何人。女曰。願配王章。別無他意。官曰。既是如此。爾父另配。何不阻之。女曰。以前表叔張公藝力勸我父不從。小女無方勸阻。官又問王章曰。張公藝是那樣人。章曰。我鄉中之大德人也。任事有節。仁愛及人。前任官曾贈義全一家匾式。官遂寫一封書。卽請張公藝到。公聞請卽往見官。官迎坐。命王章與楊女成婚。隨將罰金五百兩。王章夫婦過寄公。爲義男。隨給公匾云。德潤孤聲。以金交公。置業看顧。後王章舉茂才家亦富。此公之恩周義男。第六十四忍也。後人有詩嘆曰。

德厚垂親義。

恩流義子回。

孤聲名鼎立。

教育樂英才。

第六十五回

却說公一日在書房教子讀書。忽來一吃丐人。年老家
人。施飯一碗。丐人怒噴曰。我久聞張公厚德。憐貧。我欲
討頓飯吃。討件衣穿。奈何施飯一碗。便叫我走。家人亦
怒曰。我未欠你的。丐人遂大聲詈罵。家人卽喚僕拿棍
來打。公聞鬧事急出。見僕拿棍將打。公急止問故。僕曰。
丐子估討。公叱退僕。來看見丐人年老。身無片衣。兩足
流血。兩眼流淚。口吐亂言。見公便跪。無言。公問曰。老年
貴姓。春秋幾何。丐人姓龔。虛度七十八矣。公曰。足何血
跡。丐曰。被犬傷了。特與公討飯衣一事。公遂施衣一件。
飯一頓。丐人謝去。援筆一曲。教家人曰。

人處貧賤最難當。朝也無方。暮也無方。一心只望富人動。如見爹娘。好似爹娘。富人。不施。又不償。兩眼淚。汪。空。眼。淚。汪。天。地。循。環。有。主。張。富。者。一。行。貴。者。一。行。循。環。週。轉。果。報。藏。要。得。其。長。莫。失。其。長。貧。討。富。施。積。德。良。富。纔。久。昌。貴。亦。久。昌。幸。喜。今。日。未。逞。強。不。惹。乎。殃。免。累。乎。殃。爾。等。謹。記。性。莫。剛。福。亦。無。疆。壽。亦。無。疆。咏。畢。從。此。家。人。皆。知。敬。老。憐。貧。越。七。日。聞。丐。人。在。杜。家。討。食。遇。打。而。死。經。官。大。費。此。公。之。敬。老。憐。貧。第。六。十。五。忍。也。後。人。有。詩。嘆。曰。

衣食周貧苦

陰功得便宜。

教家兼有法。

福集禍終移。

第六十六忍

却說公往隣親陳淘家去。見近宅潑飯約升餘。及進屋。又見簷前亦有遺米。公與陳淘相見畢。便問陳兄宅邊爲何有飯許多。淘曰。賤孤魂所潑。公曰。有簷前撒米爲何。淘曰。道士之散孤也。公曰。兄何不設方惜之。淘曰。張兄何至節儉如此。賤孤所值幾何。公曰。是兄之家大無妨。在小弟之分。如金如玉。淘大聲曰。你爲何出言欺人。吾家不及你。反推我大。公徐言曰。兄坐耐聽弟言。兄言吾相欺。我不過不忍兄之賤米負罪故也。功過格云。每日檢遺粟一粒。乃計一功。人當念天地之成熟五穀者。是何心欺。何不循天地之理。愛惜穀米。既不獲罪。又能

久享哉。想上古之人。愛粟如寶。養雞五母。喂彘只二。不敢虛費其糧。何以今人賤踏如此。喂雞養鴨。只論羣數。不問糧食。不尚節儉。洵曰。如兄之論。賑孤不可乎。公曰。非也。賑孤。古來有之。今未效古。古時賑孤。先存濟困。用物貯之。獻後收回。便易濟困。或以自食。不能遺漏顆粒。洵謝曰。幸兄之教我。不然。我獲罪於天也。遂與家人等仔細言。週以後。賑孤用筭箕貯之。凡於五穀。珍重無比。此公之重粟感人。第六十六忍也。後人有詩嘆曰。

五穀熟由天。
不經心重惜。

資人養命全。
必見受熬煎。

第六十七忍

却說公有一友汪芝蘭。欲棄醫業。與公借錢作本。要屠猪爲業。公曰。借錢活命者有。借錢除命者無。芝蘭曰。世之宰殺者不少。豈我一人除命乎。公曰。宰殺固多。獲好報者幾人耶。吾只見黃方屠猪。此時家僅足。然黃方與世之屠猪者不同。累年宰猪錄數。值中元建道場。上表超生。不惜費用。今時之屠者。誰肯立心懺悔耶。芝蘭曰。然猪羊勞人喂養。無功於人。且又家家屢年見殺。豈我一人負罪乎。公曰。雖然家家有殺。然必要有節。有故。如祭祀天地。以祀神靈。見殺生命。生亦賴神超度。如父母壽辰。或死喪。尤必要先祀神明。後呈主祭。方可見殺。不至陷親於不義。雖有故見殺。還要細行。相畜大小。大時

中殺則行。方長不中殺則止。故呂祖云。汝欲延生。聽我語。凡事惺惺莫恕已。汝欲延生。須放生。這是循環真道理。他若死時。你救他。你若死時。天救你。延生生子。別無方。戒殺放生而已矣。芝蘭曰。謹領教言。但我原是醫人。因錢難找。欲改業。公曰。世間富貴總由天。欲求富貴。在心田。時循本分。依天理。必得富貴。免熬煎。爾之醫人。由前定也。可勤習脉理。細讀良方。憑陰功感天。自有結果。須念人命爲重。有錢亦醫。無錢亦醫。不惑於貪利之想。吾願借錢幾千文。與你買藥來發。凡有所求者。不問多寡。錢文就無。錢亦發。功莫大焉。後必爲貴。芝蘭曰。永聽公言。謝教回家。概依公法。後果發富。一子登第。此公之

引人爲善。第六十七忍也。後人有詩嘆曰。

戒殺全性不等閑。

惟公指破暗幽關。

度人以德不須費。

口裡陰功任往還。

第六十八忍

却說公一日行場路見一小孩男。約有歲半。看身邊又無庚帖。路人多言是貧人丟的。公私將此孩檢回家中。沐浴撫養。半月把衣更換。筆書一好庚帖。與近隣黃福者送來。願他與福作子。福因無子。福遲疑不從。公應幫米二斗。福勒要公出抱約。方可。公遂出抱約。寫曰。出抱約。張公藝。因家難撫小子弟。願將此子抱出門。付與黃福作後嗣。福取名曰黃光明。應教詩書。長婚配。後生有

弟產平分。二老不得懷私意。吾自抱出無二心。願爾光明成大器。吾恁吃米二十升。交與黃福收回去。以後吾不問此人。公藝親書抱約據。付與黃姓遠收存。張氏一門無異議。特書此券以爲憑。書畢。遞與黃姓。此子後長成人家。亦富足。常與人言。我父公藝。不該將我抱出房來。歲暮頻來。公待如已子。此公之德。沛兩全。第六十八忍也。後人有詩嘆曰。

膏澤遍施。陰功更奇。世間罕見。願拜爲師。

第六十九忍

却說公之。意。雖翁仕美者。好談惡言。刁唆人訟。喜評女色。暗欺侮公。屢考不第。又向公問曰。何事相隔不第。公

曰。以君之下問。不得不言。言之。又恐君之見怪。仕美曰。煩指迷途。豈懷怪意。公曰。凡讀書超羣者。貴立德立言。立品。論君之行。邪徑未止。遇賢傲慢。欺愚恃智。論君之德。刁人成訟。評人女色。論君之品。不俗之容。恨未返躬。遷善未從。惟君裁度。弟何及焉。仕美曰。昔仲由聞過則喜。吾感君直言教我。真吾師也。再請何方贖之。公曰。古言功可抵過。善可掩惡。罪在不仁。力改不仁之罪。以歸於仁。罪在不義。力改不義之罪。以歸於義。如文帝云。行時時之方便。作種種之陰功。此正是科甲之明路也。仕美點頭謝曰。多蒙教訓。歸家具疏於文帝。誓許行德。次年卽登科甲。此公之仇將義感。第六十九忍也。後人有

詩嘆曰。

善導明天意。

覲面化人賢。

遷善登科甲。

速洗舊時愆。

第七十忍

却說公一日往外路逢一少年。二十歲之譜。手持利刀。急趕問公曰。前往老頭去好遠。公曰。去已遠矣。追之不上。公喚少年曰。稍歇一時。公遂問何事至急。少年曰。前往吾之仇人也。名叫趙申。誣控我盜賄官。把我收禁一年。我父在家餓死。幸母與妻尙存。今見路過。我要殺他。以洩吾恨。公曰。你家食足否。答曰。我食營生。公曰。如此。你仇不可報也。問曰。然何不報。公曰。你試想你一人。

把他殺了。難免償命。爾母與妻更遭苦楚。少年哭曰。實以爲難。公曰。勸爾休他。憑天賞罰。爾歸家誠心奉母。勤儉興家。少年曰。誣我爲盜。難於丟下。遂轉去不追。趙申得聞消息。第三日來公家。問此情跡。正與公言。吳先追殺我。不料吳先一步進屋。一見是申。相扭做一團亂打。幸兩人手內無刀。公力爲解散。各坐頻嘆。公百般勸和。令趙申出錢二千文。與少年吳先釋仇和好。申應允。與公現借錢文。公治酒與兩人取和。錢亦現交。吳先酒散各歸。不料趙申無良。回家反誣公與計弊。辱罵不堪。借去之錢。竟不恁還。公嘆曰。如此無良。怨天不怨。佯不問取。第二年趙申於九月內。又被人打死絕嗣。此公之排

難受辱。第七十忍也。後人有詩嘆曰。
解人讎忿散。反受辱言多。
蒼天豈容逆。被殺看如何。

第七十一忍

却說公約近隣連已共八人。同興義塾。以便貧人。教子讀書。人各助錢二千文。米二斗。公恁立館。延師上學。公米先攜。至三月。輪於別攜。七人不攜。共與公言曰。爾還要錢二千。以作米攜出。緣至完畢。我七人承攜。公以爲實。後畢時。七人仍不攜出錢。亦不給。反夥言辱公。假邀義塾。徒沽善名。公聞含忍不已。轉念想曰。善由我作。福自天中。對衆言曰。今年算我。來歲再議。衆皆私笑。

公一起興三年。苦勸有力者。捐錢買學田。收租長興。一義塾。方中沾此義塾。學者不計其數。此公之作育人才。第七十一忍也。後人有詩曰。

義塾端蒙養。

存心感聖賢。

奸人無一第。

公藝有科聯。

第七十二忍

却說公之遠隣吳正發者。與公言已地上死一路屍。叫公施棺木。捨地葬。自願出工擡埋。公聞言喜作此好事。許正發擡埋。殊正發喚人將屍遺於地上。丟下便回。公無方。只得喊人幫埋。方中人多言要檢驗埋之。可以無患。公又請地方長者驗埋。設席相待。長者多言吳正發

無良。叫公與伊講理。公曰。施棺槨。免屍骸之暴露。正發無良。吾義釋之。倘與伊言。可惜此功。正發旬日。後聞公不與他計較。頻自誇曰。聞公藝很。受我圈套也。發婦接言曰。害人終有禍。正發聞此。不美之言。怒起。便將棍打婦。婦更亂言。着實飽打一頓。婦至晚縊死。後家鳴官。吳正發家費罄盡。後飢餓而死。此公之樂。施釋讎。第七十二忍也。後人有詩曰。

巧計籠人受。

殊覺有天殃。

禎祥歸有德。

禍患自承當。

第七十三忍

却說公值二月。見隣人楊姓秧田晒水。蝦子無數。在田

邊將晒死。公嘆曰。昔大宋小宋。編竹橋度蟻。活命數萬。吾建橋而不濟。不如施功以度之。於是將撮箕臨田撮蝦。放於河下。無奈楊家小子見之。便罵。蹂他秧田。罵公不應。楊姓長者近前見公撮蝦放河。問公曰。何惜蝦命。耶公曰。蝦命雖微。天心好生。吾見此蝦渴急覓水。吾撮放濟之。楊曰。以公之行。真爲惜命。公曰。耕耘者更好重惜。楊曰。願聞其說。公曰。見獸不傷。心之惜也。見蛇不打。手之惜也。見蟻不踏。足之惜也。見鵲不網。眼之惜也。見魚。鰍。蝦。蟹。蠓。蠅。凡水族山生微物等命。而不捕捉者。全體之重惜也。待耕耘出入。身手足眼而未見。有傷物命者。天亦不病人之不惜也。楊曰。能惜有何益事。公曰。能

惜者以全天地之大德耳。得益者隨天所與。如文帝云。舉步常看虫蟻。禁火莫燒山林。又云。禽魚宜放。勿囚時日。宜惜勿怠。又感應篇云。無故不殺龜打蛇。正謂全惜物命也。楊曰。感君之教。吾生平幸知重惜物命矣。此公之惜物感人。第七十三忍也。後人有詩嘆曰。

善體天心意。

常將物命憐。

到頭終獲報。

遲早得周全。

第七十四忍

却說公見路邊荆茨。將罍人頭。且又峻險。難便來往。於是拿刀斫鋤。挖親操任勞。值午納涼林下。來一老年人。見路上一把鋤。因未見公身。喜而自嘆曰。天助我鋤也。

正缺鋤營工覓食。言畢四望無人。將鋤捲起。飛奔。公聞見清楚。欲叫此人。又轉念此人年近七旬。家本貧乏。恐傷他臉面。不如舍一鋤。以全他營工。我食諒一鋤挖路。能抵救一饑饉老民。遂未驚動。任其去也。此公之德量度人。第七十四忍也。後人有詩嘆曰。

修路本堂皇。

寬宏不較量。

途成通大道。

德顯吐祥光。

第七十五忍

却說公藝近南溪。遇見私渡勒索大重。公倡首募化財。富者連已共十人。各捐出錢十千文。興成義渡。功完。內一唐姓者。縮首不恁。捐錢。公往索。要受喝罵而歸。衆捐

者聞知不服。叫公呈訟。願爲證。公曰。蒙列台憫我美念。但唐姓當日我募化時。原不應從。因我苦口勸他。事出勉強。今我收錢逼迫。又值伊重酒。是我不識其時。自取喝罵。若具控索錢。更損其福。列台試想清溪道人。有積福歌曰。嘆人只知今世財。那知財是前生福。我今說與積福人。勸世重財先積福。有福自有財。無福空勞碌。家有一分財。定有一分德。德厚福已綿。福厚財自出。何故奢靡人。乃將積福資。任意恣淫慾。何故驕縱人。乃將積福資。逞勢欺窮獨。何故痴迷人。聚有積福資。貪謀無厭足。何故慳吝人。枉有積福資。捨財如割肉。不肯種福田。願做兒孫贖。留了難帶財。撇了易帶福。臨時空手去。徒

向閻君哭。吾爲世人悲。叮嚀還再囑。莫爲兒孫計。自有兒孫福。不如看破財。及早修些福。可以久兒孫。可以長享福。如此歌文一推。吾願再捐錢十千文。吾亦不與唐姓計較。衆皆大悅。齊言眞大福人也。後第五年。唐姓一死。子等爭分家產。弟傷兄死。訟事大興。可憐萬金之家。敗盡此公之積福。容人第七十五忍也。後人有詩曰。

寶筏中心造。

心寬寶筏開。

渡人還渡己。

福與後人培。

第七十六忍

却說公之外隣楊廉。舉茂才。後十次會試不中。叩問公。改過遷善之法。公曰。君之行爲。以實言之。廉曰。吾自幼

讀書有犯口過道人長短。侮聖言。慢師長者有之。恃文
壓友。取私財。字未惜者有之。事父母未誠敬。與兄弟計
利者有之。見人父母姊妹取讐訕笑。見色起淫心者有
之。驕奢不惜。衣物食用恣殺生禽者有之。使人興訟阻
人善功者有之。如此說來。是一極惡大罪人矣。何得爲
讀書人。於今追想有過。悔之不及者。吾之心腹言也。願
祈賜教出沒之法。公曰。讀書人坐此病者不少。君今旣
要明德知止。欲回天意。以近日新。實爲大幸。世途多人
混賬一生。未知覺路。醉生夢死。難以盡數。如君之欲改
過者。必須先培五倫。繼誦感應篇。陰騭文。覺世經。依法
做去。諸惡莫作。衆善奉行。久久必獲百慶。所謂轉禍成

福也。佛經云。一世勸人以口。萬世勸人以書。君自知過。可將以前所作非事。編集勸人。不難懺除矣。改過要冰心任事。如聖人云。死而後已。可也。廉謝教回家。依法苦做三年。復會試。上選。後陞吏部侍郎。此公之明性導人。第七十六忍也。後人有詩贊曰。

以德培人厚。明心一點丹。

洋洋如發育。吏部侍朝班。

第七十七忍

却說公往隣親飲宴。遇一曹光棍人。也在彼處飲宴。與公交談。甚不相合。有光棍上首何伸。頻言曰。於今世情。嘆得打得。黨衆人強。算爲好手。公徐言曰。凡處世情。仁

義爲上。以德服人。何得持強逞勢。算爲好手耶。何伸輪起眼睛。便罵這雜種。敢阻我言。一起五六個。齊聲罵起。公大笑曰。人稱何伸是好漢。殊知如是何伸。卽招呼在下等好言。待我一人。問他。便呼張公藝。你自口招禱。非我等罵你。何故聞罵反笑呢。公曰。好事來矣。豈不笑耶。伸曰。是何好事。公曰。你們六七人罵我。我一人不還口。便邀你六七人之福。歸我一人。豈不是好事耶。伸曰。你到丟臉着罵。福從何事。公曰。你半是尖子。豈不知福隨忍至。你細聽我講。爲天有人罵。天未卑乎。爲地有人罵。地未薄乎。爲君有人罵。位居九五。爲卿相有人罵。爵位三公。爲士大夫有人罵。世代宦家。爲庶民有人罵。能忍

福隨。爾試想天地人同有人罵。天能忍。地能忍。人能忍。福從天降。財發地施。豈不歸我。受罵能享。誰爲德宣。又且陰陽果報。值日有神鑒察。時刻有速報三司。東嶽寶訓。人雖不見。神已早聞。暗室虧心。神目如電。察人受屈。神靈焉有不奏天曹地府耶。又想地府冥王。聰明爲聖。正直爲神。人在陽間作事。神在陰司評量。惡者蠲除壽算。折衣扣祿。斬絕子孫。善者將惡人之衣祿壽算轉加起來。所以我知福隨。忍至也。仲聞言畢。失色呼夥類共十八人。齊拜公前。言曰。我們無知得罪先生。我等願拜先生爲師。改邪爲正。一戒搞搯淫人。二戒流入匪類。永遵德行。誓不非爲。早晚聽教。公卽用手扶起。請衆坐。復

將五倫八字。又講一篇。人皆敬服。伸曰。我們未讀詩書。不知天地神靈。陰陽果報。喜先生今日闡明。不使我們虛度一生。後日自墮其害矣。此公之理順橫逆。第七十七忍也。後人有詩贊曰。

三才品正德無加。

果報陰陽理不差。

要順人心由正道。

惟公一片雅言嘉。

第七十八忍

却說公一日在家。忽來二人。一名黃樓。一名李江樓曰。我特投公藝先生。覓一見。公曰。何事。下問樓曰。我放錢五千金。與匡童。今日往討。匡童硬佔不償。反辱罵於我。幸李江兄解救。不然受凶打。我要控官。李江兄願幫。

作證。惟先生指教之乎。公曰。以吾鄙見。不可鳴官。只宜預投里長。緩取自得。不至越結仇忿。亦免衙吏費錢。又免耽擱工夫。李江接口曰。公藝之見。差矣。放錢討罵。事不經官。何懦弱耶。公曰。汝願幫樓作證耶。江曰。我願任勞。不容逆理。公曰。要錢用否。江曰。算用錢二十千文罷。公曰。你幫樓摯錢否。江曰。張公藝迂儒之論。只有證理。那有幫錢耶。公見李江慣刁人訟。耗家害人。遂私叫樓曰。改期再告。不必忙訟。黃李二人作別。便走。二人於路。江百般擺撥。誘樓具控。樓歸家。待酒。李江回去。樓妻曰。適來李江之言。丈夫不可聽信。江自幼多事。具訟敗家。年紀六十多來。膝下五子皆亡。三女亦死。生平淫人妻。

女。唆人爭訟。至今孤獨困乏。慣包人訟。覓食樓子等亦
諫父。樓命長子復問公見。公曰。吾勸你父息訟。其賬緩
取。他要聽李江唆訟。不信吾言。我念唆人詞與你聽。曰。
天生我才必有用。何不依守本分做。士農工商各習
業。異端斯害爲人惡。不循世上好良規。甘移下賤惡
名著。陰謀詭計害人窮。捏詞刀筆把人弄。希圖找些
作孽錢。殄滅兒孫發富路。虛負堂上養育恩。枉在人
世。一生度善人。不似惡人強。富貴天從善人護。算來
只有上天平。勸爾唆人明善處。有過當改爲聖賢。方
才算得人中數。不然逞舌用貪謀。平生困苦惟自誤。
公咏畢。囑樓長子。將古人息訟詞一篇。遞與樓子。拿回

去同汝父看樓子回將公前語言細述一遍呈上息訟
文讀曰

世間禍事惟訟發念皆由性縱遇人憤氣欲鳴旁人
乘機唆動不覺墮入牢籠一字入公爲重簽票或拘
或提便受差人播弄守候不得回家就悞時節耕種
妻孥激得眼昏父母焦得腸痛美田由此荒蕪家人
每多放縱基業爲此消亡性命由此斷送縱使官前
得勝自己良心何用況且壽算無多轉眼一場春夢
讀畢樓父子嘆曰幸公藝提醒我們不然墮李江之局
矣時二子歸來言李江坐船落水尸首無踪齊嘆曰天
理昭然此公之勸人息訟第七十八忍也後人有詩曰

息訟聽人勸。

刁唆奈我何。

看此關頭破。

興家免折磨。

第七十九忍

却說公有一友王在邦。舉茂才後。黃永第與伊有讎。對公嘆曰。王在邦此茂才。賄賂上司得來。公曰。一緣二命。三風水。四積陰功。五讀書。有賄賂得來耶。自古射以觀德。名以顯功。爾不可玷人之名。永第指公曰。爾與他相善。替他覆蔽耳。公曰。爾既言覆蔽。爾亦去賄賂主司買來。吾亦覆蔽爾。永第大聲曰。爾量我無家。伙同欺我。叫爾久後不好。一遭人命。敗家何難。公之家僮見此不祥之言。欲打永第。公止之。永第恨罵而去。竟到敖一龍家。

亦在嘆王在邦買茂才。不知一龍與在邦。嫡屬被一龍
扭打。一龍小孩被永第脚踢傷亡。鳴官官將永第擬充。
永第獨一人。家有八旬老母。無人俸養。又來求公作方。
張公指方。具哀詞求獨子養親。果允。要人具保。可釋黃
老母。又託公具保歸家。公教曰。人當隱惡揚善。不可口
是心非。爾謹體。文帝之訓。勿壞人之聲名。永第曰。早
聽君言。焉遭慘禍。此公之以讎作恩。第七十九忍也。後
人有詩嘆曰。

壞人名節必招災。

多少頑人不自裁。

得失原來有定數。

何須誹謗惹禍胎。

第八十忍

却說公之雇工於道路拾一布包袱內裝銀一錠回與公言公曰失銀多關人性命可去待路還之不悞人急雇工不肯言我非盜他是拾的亦如天之賜我斷不相還公曰人有命定該富無此銀亦富該貧有此銀亦貧凡拾金相還者功莫大焉能富貴久享若是不還富貴者亦除名當富者亦貧困當貧者更惹災爾可相還作福永享富貴雇工曰主人有銀作福我斷不還公怒曰將銀平過與爾掉待吾去還布包袱亦掉換雇工遂辭不幫公公曰銀與包袱俱已掉換何言不幫雇工掉臉竟去公來路間待還見一婦抱孩大哭公近前問婦婦曰我晨早過路於此乳男將布包袱忘却失去內有銀

一錠。公曰銀何用。婦曰我丈夫出門經商未歸。堂上公婆俱染寒症。臥床三日未起。我無奈將首飾回娘家。掉銀一定。將辦衣衾棺木。不料失落。公曰另還有方麼。婦曰家寒無方。有死無已。公於懷中取出包銀。令婦一看。婦曰正是。公問明確實。還之。婦曰先生何姓名。公曰吾張公藝也。婦曰久聞先生大德之名。還我之銀。無由報德。願與先生膝下寄託。爲義女。幸勿推辭。遂拜路旁。公曰既爲寄親。視如已女。汝歸家勤盡孝道。儉約持家。無違夫子。淑慎幽閑。婦洒淚而去。越三日。聞雇工歸家。失水火。將房子燒盡。燒死一男一豬。公深嘆不已。此公之摯銀全德。第八十忍也。後人有詩曰。

籍此功成看。

盲人眼亦明。

摯銀憐孝婦。

留譽使人驚。

第八十一忍

却說公家前後收奴僕五人。各年俱幼。撫至十有六七。時而彼此爭競。公不知其故。陳氏夫人時誡奴等俱亦不遵。一日公出外。奴僕又相爭競。夫人聞之。便喚奴僕等上堂齊跪。問其情由。將棍各飽打一頓。時公歸來。公聞堂前哭聲太甚。急上堂來。見衆奴皆哭。內有一弱身幼奴。左手難舉。視膀上有責痕。夫人請公坐定。酌茶。徐與公言曰。僕等爭講多回。都只爲取物輕重。訕笑閑言。無理太甚。氏未與夫君。嘉明。今日又在爭講。氏聽之難。

容拘僕等在此究問教打。氏寔爲逞凶。亦勢由不得祈
夫君教氏小過。公曰。夫人旁坐。喚僕等仍跪。先謝夫人
教打之情。遂教僕等曰。爾等俱是良家子女。因年歲欠
豐。爾等父母願吾收留。教爾男勤耕。女績紡。撫立成人。
吾自有安慰之法。非徒爾等用力之故。何以爾等悖吾
爭講。逞舌輸贏。惹夫人受怒耶。僕等齊言謝罪。後日永
遵教訓。公叱退去。僕等齊散。公又勸諭夫人曰。只宜寬
恕善導。切勿督打傷身。卽咏昔人有賣兒女詩二首曰。
養女如雛鳳。年荒值幾錢。辛勤當自愛。不比在娘邊。
流盡眼中血。洒我身上衣。宿緣如未斷。猶望夢魂歸。
咏畢。夫人亦謝罪。公曰。三奴年十六七。俱要擇配。二僕

亦要成婚。夫人曰。夫主所言有理。自此夫人永不苛責奴僕。此公之寬恕待奴。第八十一忍也。後人有詩嘆曰。

仁慈多愛護。

奴僕似親生。

既和夫婦德。

又遂下人情。

第八十二忍

却說公之長子舉茂才回。衆親友欲來宴賀。公預言曰。俟後刻期迎衆。乃久之不見。一日公往隣家飲酒。遇親友。衆斥公言藐衆節儉。公揖衆曰。高親貴友。要憫吾家寒不濟。衆言處富草率。我們願各助錢。與爾作個體面。公曰。幸蒙列位厚意。吾實不敢。從今列台總要憐吾德。微受寵。取辱於人。子才粗鄙。微幸太早。實不倚勢張筵。

而獲罪。衆皆訕笑不止。內有一人楊廉者。大聲曰。汝們聽晚一言。適在公藝之言。取辱於人。徼倖太早。其味深長。能研究體會者。後必昌達。如我方風俗澆漓。人心巧詐。不好實事。專務虛名。好體面。拖賬受窮。當田賣土。希圖大食大穿。不覺惜錢惜米。淫佚驕奢。不重節儉。傷生害命。全無戒殺之心。至於積德行仁。則半文不全。如公藝之爲人。儉約積德。忠厚行仁。豈世人所能及哉。公卽隨口咏曰。蒙君一語免奢華。警我行爲莫浪花。衣故不妨勤漿洗。人情淡泊福彌加。衆皆嗟呼不已。自此方人知足儉約。此公之節儉感人。第八十二忍也。後人有詩嘆曰。

知足隨時足。
驕奢多敗壞。

人情合世情。
積善振家聲。

第八十三忍

却說公遇一教學白丁。陶齋明者。與公交談曰。久慕公尊名。幸得萍水之識。公曰。一介鄉愚。虛名度外。有勞拜訪。明日。君子有九思。諒君不愧於九。公曰。聖經之旨。勉於君相。吾牧子之輩。有何宜乎。明又曰。公藝亦如子見南子之宜乎。公聞言。卽怒。乃曰。台言雅甚。何其侮聖賢歟。台試想聖人。德配天地。道貫古今。上自君相。以及公卿大夫。下及羣黎。誰不沐恩感德。台口讀聖賢之書。賴聖賢默默增營。何取聖語譬訕於人。曾不聞太上感應。

篇云。訕謗聖賢。侵凌道德。反已當省。如子見南子。子路不悅。故夫子矢之曰。天厭之。然此聖經正令。學人冰心之法。故揭此以警之。世上多人讀書。有榮有辱。榮者積功誇顯。辱者自未反躬。憑舌詆譖。聖經拋侮。舉止動靜。棄字不存。陰陽果報。不化頑人。豔曲淫詞。誘惑婦女。累過日深。所以久困場屋。難於顯達。衣食難聊。皆由不知自新之路。未覺寡過之心。能經反推。時限有違。讀書人坐此病者。何只二三。如此利害。齋明其可忽諸。明聽畢汗流。答曰。多蒙先生引導。生實大錯。遂拜公爲師。願行善事。第三年舉茂才歸。先踵公門謝教。此公之誘人入勝。第八十三忍也。後人有詩嘆曰。

勉人嚴舉止。

改過變窮通。

聖言當敬畏。

勿蹈陷阱中。

第八十四忍

却說公之近隣吳姓。叔姪爭分家產。姪不服。向公言之。公勸吳姪曰。朱子云。弟兄叔姪。須分多潤寡。吳姪醒悟。免爭。不知吳叔亦來。私聞公勸姪之言。不與公面而回。心懷嫉怨於公。一日於鄰家會公。對唾公面。公不經手。拭待其自乾。置若不覺。吳唾三次如是。吳轉想。乃曰。人稱公藝忍讓能人。白屋開科名。不虛傳。我實冒犯。祈赦過咎。公曰。爾無事犯吾。吳請公教。曰。分家事。公平好。占分好。公知其意。卽咏前人分家詩曰。分家平量最爲奇。

占分居心不識時。祖德宗功憐潤寡。自裁占分與誰宜。
吳曰。深蒙明訓。我叔姪分家。惟我占分。聞先生之言。我
與姪平量。纔可。遂迎公駕。蹂踏拈鬮。此公之受唾。感人。
第八十四忍也。後人有詩嘆曰。

容人一片是真心。遠慮無憂惻隱深。
唾面教他多潤寡。均平叔姪一園林。

第八十五忍

却說公隣近。有一獨子。唐在良。因家窮。將已全業約值
百金。與公抵借錢八十千文。每年利谷三石二斗。數年
來。公概未收足利谷。值年荒。難於撙節。來與公言。叫公
補錢二十千文。願將全業賣公。別地謀食。公見其爲人

本分勤儉治家。奈年荒不就。公勸在良曰。古人有詞云。誰不愛多財。無奈屬人有。誰不願多產。無奈屬人守。人家豐足積福來。如何狼心謀在手。橫豪惡伯勢難行。姑用好言作好友。故感放賬將伊吞。故意假借將伊湊。故意誘之爲賭博。故意勾之迷花酒。若輩狡謀各不同。諸如此類十八九。惟我清夜自思量。虧心致富焉能久。天鑒懷慎發有時。後來果報先知否。誦畢囑在良曰。利谷緩期。權將爾食費。勤做農工。自有豐年。賣業斷然不可失業。易置業難守成。儘可對宗功。在良感悟回家。後時通財足。此公之義利。憐貧。第八十五忍也。後人有詩嘆曰。

急發天良現。

勸人業守成。

古詞箴利便。

財富用心平。

第八十六忍

却說公以十全大補丸能利諸病苦。時有嚴見才者。居家甚貧。有女十二歲。病年餘。將卒。欲害於公。求公覓丸以調女病。公發丸一劑。拿回吃半。次日女死。見才卽來與公生事。時公家有一客梁一善。與公正談陰果。見才一到。便說多蒙爾施殺人之丸。服去就死。公曰。何出此言。用丸許多。活者亦衆。才曰。我女是爾丸子毒死。梁一善曰。聞爾女病有年多。何怪丸毒。才曰。我與公藝擡來。公曰。丸子還剩否。才曰。喫一半。公曰。爾轉將剩丸拿來。

才去拿丸。一善曰。此人無良。欲加害於爾。公曰。自有分
辨。不時才到。將丸遞公。公曰。爾說我丸有毒。我將來試。
果死。我償爾女命。才曰。爾試。我也。要墳棺木。不試。我也。
要墳棺木。一善曰。見爾之情。無木之故。才曰。有木不言
毒。一善曰。如此好意。既無木。不可言人丸毒。壞他醫藥
之名。公思良久。乃曰。來拿墳木去。才喜曰。多得多得。此
木約值錢二千文。竟擡去。公憂悶。一善解曰。今日施藥
又施木。後來作富。又作貴。公曰。過此。凡屬醫流。發藥當
謹。可對彼嘗之。不致貽害。一善曰。此一見也。過月餘。嚴
見才合家病瘟。牛無人喂。竟餓死。又值農功急務。托人
又與公求丸。家人不肯發丸。公曰。利人者。焉懷私隙耶。

卽發丸一劑服之。一家全愈。見才常與人言及此事。恩將讎報者。以我爲證。此公之利人釋隙。第八十六忍也。後人有詩贊曰。

利人利物事真奇。

施藥施棺自便宜。

積德到頭終不校。

恩將讎報任渠爲。

第八十七忍

却說公之宅近大路。往來者衆。值夏日。覓茶飲者不少。公置茶缸於路。便往來之飲。被人毀缸三次。公不知何人打壞。只得再備。忽一日。隣小子楊旭來求公相保。言父督責難當。公曰。爾父何事相責。旭曰。無故督責。公曰。焉有是理。時旭父持杖趕到。見旭在公面前。怒氣不息。

公曰。責小子何過歟。楊老曰。不肖小子。得罪老爺。因子打壞老爺施茶缸。是以責備。公曰。既損吾茶缸。亦屬小事。吾不怪爾小子。楊老曰。祈老爺大施仁德於我。公曰。此吾平日欠作施茶之功。天使爾子壞其皿。是天警吾之堅心耳。卽信口咏曰。施茶事小未堅持。天使隣兒警我知。若是他人滋口舌。吾當自謹還自思。又曰。吾施茶從此久遠。爾父子同回。各盡慈孝兩道。莫因吾小事相鬧。此公之施茶作德。第八十七忍也。後人有詩嘆曰。

察透來人意。

臨機悟出天。

施茶還教導。

便囑孝慈全。

第八十八忍

却說公之近隣王百萬。世上非爲之事。作盡殘刻致富。遇公苦勸改過。囑伊告天。誓行善事。方能久享百萬深信。告天悔過。力行三年。累家不祥。百萬疑公言謬。欲仍蹈前轍。來與公言。天地間善事最假。如我前所爲家居。廸吉。自聽君言。誓行善事。人死牛瘟。三遭火厄。豈得真耶。公曰。是爾善行相感。不是天薄於爾。凡改過如借債。一般將賬抵賬。務把賬項完明。纔無人問。如爾之冤債不完。杯水烏能勝車薪之火耶。如天之待爾甚厚。受憂受勞。使爾陽間折除。試爾心虔不虔之故。是爾爲善根深。拔搖不動。自有千祥雲集。百福駢臻。豈是假耶。古人有篇論天詞。爾拿去看。百萬經手讀曰。

俯首告天天何喜。天不私喜喜順理。可知背理卽違天。老天暗怒由斯起。怒爾爲人少敦倫。父子兄弟無義禮。不慈不孝不友恭。爭田爭地爭錢米。怒爾爲人少和順。夫妻朋友長短比。不思同僭交友情。懷挾外私失信恥。怒爾爲人忘本性。私欲貨利謀在己。只顧自身一家肥。不念家人苦楚語。怒爾爲人習淫污。不思自己已有妹姐。只圖片刻之歡心。毒結於天恨到底。怒爾爲人染衆非。寡過一人二。三子。沽名弋譽是虛文。守死善道猶不許。願爾人間生悔悟。冰心天譴不加爾。染成十惡培十善。以善抵惡罪消取。率性須臾不可離。久而成己金玉體。諸惡莫作衆善行。天宮厚

愛隆福祉。不出迷津。任橫行。積財如山。死而已。殃及子孫。固斬亡。魂仍受罪。地獄裡。莫謂告天天無言。人當感天爲正理。

王百萬讀畢。卽古人之詞。一想我之負罪過深。多得君賜教傳詞。我誓不改善行。至死不變。此公之憐人負罪。墮落。第八十八忍也。後人有詩曰。

人力勝天理。任事不相違。

反躬常自問。謹獨戒人非。

第八十九忍

却說公藝隣鄉四十里。一秦良者家亦僅足。抱病來會公。求見呈狀。言與唐姓共堰水。唐挾勢不肯共用。憑旁

人勘驗。理對三次。旁論應我之用。唐竟不允。估予呈官。特投高見。公曰。別地可尋水否。良曰。水雖容易。受氣難容。我年將五十。今又染一枯症。膝下二子俱幼。若我不與伊憑官。倘我死。兒子受凌。公曰。不憑官。子也不受凌。良曰。何謂不受凌。公曰。養氣息。訟仁義。尙存。有理不爭。伊後醒悟。解讎釋忿。凌從何至。公信口咏古人養氣詞曰。

養氣憑心地。氣和禍病治。氣名有二種。分爲兩斷制。一名輕浮生。懲忿祛逃避。二名稟性隨。調正勤修志。平日細思量。心和氣無忌。發而皆中節。涵養水火濟。臨事惻忍言。消融通聖智。氣海無量寬。精神全爽利。

咏畢。良曰。以古詞與君言。想好氣無用。我大渴。水用
永不經官。此公之養氣濟人。第八十九忍也。後人有詩
贊曰。

善熈無名火。

惟公自得奇。

濟人依古法。

寫盡世情詩。

第九十忍

却說公友方孔秀。與公言。多人稱爾忍讓開科。特來請
教。忍讓義出何好。公誦義方詞曰。

忍氣方爲妙。能全真達道。小忍成小良。大忍爲大造。
無忍累身亡。有忍彌壽考。細推忍字強。必奪強中好。
世事忍中全。福隨忍人倒。識得其中意。橫身一片寶。

誦畢。孔秀曰。聞君箴規之教。我有三事亦休。公曰。願聞三事。秀曰。一事。我祖墳有樹二根。被楊姓私伐。旁人斷楊姓與奠墳贖罪。我未依。二事。我牽小牛與汪姓分看。汪欠人之債。將牛拉去。汪與我邀情。批錢提我。我未依。三事。我延師教學。師來兩月。遇陳光一私鈞師去他家教學。我意欲三事齊鳴官。聽君之言。忍讓全福。豈不是三事俱休。公曰。甚善。三事有理能忍。必奪他欺爾者。三家之福也。此公之義方感人。第九十忍也。後人有詩曰。

福人惟量大。

悟出似天寬。

丹心如日月。

普照感溫寒。

第九十一忍

却說公藝遇王金鐘與公言。我有一雛人范小竹。因訟事害死我兄。今小竹亦死。伊妻吳氏守一子。不再醮。有汪玉成欲娶吳氏爲妾。吳氏與我近隣。我欲乘勢氣逼使吳氏再醮。范孤子無依靠。自然寥落。再用一計除絕雛也。公曰。不可行此絕計。若行此計。天不容。地不載也。范姓害死爾兄。爾欲氣逼伊妻。守節不全。此惡彌天。又欲滅絕孤子。此惡更甚。金鐘曰。依老爺之言。兄雛不報。公曰。天與爾報。還未省。伊害爾兄。死伊亦死。可謂天報之平也。爾若再行其害。天定與爾當頭。冤冤相報。絲毫不爽也。公又咏曰。

氣逼人。到害庸人少。度外一爲識。凶污二不知。清泰。

只圖報復讎。網縛情貪賴。人世幾十年。怙惡連三代。
一朝喪其身。幽冥無實貸。敗壞好兒孫。冤纏難解帶。
咏畢。鐘卽曰。謹遵訓戒。我兄之讎。不必復也。公曰。爾不
惟讎不報。爾還要遵文帝之訓。矜孤恤寡。伊母子與爾
隣近。要更加矜恤。以邀天眷。金鐘滿遵。此公之勉人釋
讎。矜孤第九十一忍也。後人有詩嘆曰。

分明解冤義。

矜孤恤寡身。

既爲隣近者。

墮處好施仁。

第九十二忍

却說公藝與林喬者。談及世務。喬年六十。家富足。喬曰。
以我爲人之直道。何要勸我作善事。苦口勸人。想人性。

氣生成。性直爲直。性偏還偏。豈有偏而成直。直而成偏。耶。公曰。性直不言直。性偏不言偏。性直者。行天下之大。道。非聖人不能任。性偏者。處世俗之橫行。非勸化豈能。順。喬曰。君之闢我以直。請君評我性氣如何。公曰。切勿。怪論。喬曰。請教無怪。公欣喜吟曰。

性癖氣多剛。有我無人強。是事先正己。討論不相當。忽時成好事。間或又無良。友朋難進誠。弟兄罕着量。任情知足少。於理欠周詳。變化終損德。老大亦徒傷。喬曰。君之評我如神。我本難當直字。兼之朋友無人勸。我。我們弟兄不睦。依聖賢書來。弟兄不和。朋友不睦。五。倫有虧。直從何來。感君直言教我。從此培補倫常。遵聖。

賢訓。險些混過一生。目墮其害矣。公亦請恕。各別。此公之率性引人。第九十二忍也。後人有詩嘆曰。

裁成直字不周全。

悟出倫常信善緣。

公藝引人知忍耐。

剛柔相濟效聖賢。

第九十三忍

却說公隣修建天堂廟一所。有領首王登仕。請公與楊富連爭事。因募富連助錢五千文修廟。連善助不償。公往楊家與富連相見畢。公曰。吾受王登仕之托。特來與台言。募化善貲。求助交明。連曰。我無錢助。公曰。既喜舍。又言無。連曰。他請爾。爾拿錢。隨步出堂而去。公一人在堂坐定。忽聽有人於隔壁與富連嘆話。說連長子昨夜

賭錢輸八千文。今朝又淫人之妻。被捉又去十二千錢。招呼纔放。連嘆氣曰。報應報應。不時連又進堂來。向公問曰。老爺爾道積財好。助善好。公會意曰。積財勿矜誇。謹防不顧家。要想家長久。舍財種德華。有德貽孫子。賢孝更增加。吝財不種德。無德生子邪。浪蕩淫和賭。錢米當泥沙。把家敗盡了。令人眼着麻。欲求助善事。大道路三叉。五倫一日備。隣里二栽花。三重陰隲訓。全善道生芽。功成惟一日。天顯報無差。連曰。我雖讀書。未經詳識。因迷利想。把財看重。如老爺之言。作善利人。煩老爺好言拜上。登仕。我卽送錢來繳。不勞玉駕。公回二日果繳明。此公之化頑善果。第九十三忍也。後人有詩嘆曰。

善人將善導。

臨機得意回。

頑人沾雨化。

鼓勵卽輕財。

第九十四忍

却說公藝一日忽近隣王科文者持刀憑公言李成仕爭他界樹一根伊率人在伐我特憑明老爺與伊相殺公曰界樹一根所值幾錢倘行凶打恐不測事出人財兩失如之奈何文曰我怒氣難忍公曰請聽勸詞公偶吟曰人之七情惟怒難制制怒之藥忍爲妙劑醫之不早厥躬斯戾滔天之水生乎其微燎原之火起於其細兩石相撞必有一碎兩虎相鬪必有一斃怒以動成忍以靜濟怒主乎張忍主乎閉想一界樹值幾錢利若

行凶打。恐負罪累。憤氣傷財。急早迴避。讓人多福。忍人多智。忍之至再。漸無芥蒂。再忍三忍。卽吾公藝王科文。日聞老爺之善詞。實是佳美。果一樹值幾多錢。甘願受教回家。不去相爭。此公之訓人免爭。第九十四忍也。後人有詩嘆曰。

多才多智利人行。

解釋紛爭善品評。

隨出勸詞無海底。

古來學士有神明。

第九十五忍

却說公藝賣牛一隻。值錢二十四千文。現交足公。販牛者牽過手。一日牛死。有人於路與公言。販牛者守牛痛哭。嘆他只有此本錢。牛死。一家人皆死。公聽明。卽步到

場。果見守住牛哭。公近前曰。牛死哭何。販者見公跪哭。曰。我只有此本錢。牛死我亦死。公曰。牽過隔一日。牛原是我的。爾將爾錢挑回。吾着人擡回埋之。遂叫販者挑錢。販者言感大德。平折。公不允。卽喚十多人往市擡回。掘地深埋。公與多人嘆曰。販牛者少。牛之債。牛亦少。吾之債。吾掩埋不收。牛債。牛亦不取。販者債。多人感嘆不已。此公之舍已從人。第九十五忍也。後人有詩嘆曰。

道破陰陽債。

爲人切莫賴。

有無得失明。

謹防遭別害。

第九十六忍

却說公藝往戚家吊祭。見羽客等。不禁風流。出言道。人

長短。談及閨闈。互相訕罵。公佯言曰。聖云。攻乎異端。斯
害已矣。一道士曰。吾教出自太上。何比異端耶。公曰。太
上有談閨闈往來訕罵否。道士曰。我等上壇宣揚。有禁
忌。既退無忌了。公曰。神在心上。香具爐焚。古云。進思忠
退補過。意誠心正。格物致知。窮理盡性。時時心在聖賢。
刻刻不忘道德。詎得言不顧行。行不顧言。肆行無忌。正
謂藐法欺神。自獲罪累。何言太上道君之教耶。道士等
羞慚曰。聞老爺之訓。我等大有錯。請問老爺誦經禮懺
可薦亡乎。公曰。文帝云。或奉眞朝斗。或拜佛念經。朝斗
寡過贖罪。念經作福消愆。要正經學人。心領神會可也。
若人請誦薦亡。求威格者。務令孝眷捧香跪聽。經懺之

旨。誦者朗讀解說。恐亡人在生。負諸罪苦。使孝眷得聞。經中之義。替亡者改過存心。又便遺囑後裔。體此薦亡者。百發百中。不此者。不惟無功。還邀不幸。道士又曰。聞老爺之教。理順無偏。請問幽冥之事。老爺何知。誦經薦亡。如此得應。公曰。卽聖經賢傳。道經佛經。無處不明。詳載在。昔仙人云。三教一理。道無差。仁義禮智信根。加若人全得。倫常法。冥陽同懿。德光華。道士又請曰。正今爲道士者。多累家寒。爲何。公曰。富貴從來一理同。何言學道累家窮。陰功廣積。宜勤儉。德潤身。榮富亦通。道士等曰。深感明訓。此公之指明道因。第九十六忍也。後人有詩嘆曰。

頑人不識理和情。
公藝一身成濟渡。

動作原爲不自驚。
冥陽有賴亦同行。

第九十七忍

却說公藝遇有張奉者。習於刀筆。包攬詞訟。又熟知鄉中貧富。慣交官長。與公藝言曰。人立身於天地間。當任作大事。爲郡中名流。不取虛生之辱。公曰。任何大事。奉曰。如我之不才。進出公衙。一十八年。無官不喜。幫人訟勝三五十場。一郡中誰不知我張奉。公曰。知爾者。慕其奸險之名耳。何不留忠臣孝子之名。上彰祖德。下啓兒孫。中度本身。方才算不取虛生之辱。奉曰。卽我六十歲來。未害過病。膝下僅生三男四女。居家小可。古來忠臣

孝子已不過豐衣足食。生男育女而已。公曰。要知爲人者。善惡兩途耳。善者生爲名士。歿作神靈。惡者生爲衆怒。死有餘辜。如秦檜。李林甫。曹操諸人。遺臭於萬世。何辱如之。奉曰。秦檜諸人。固當時行惡者。後若覺悟。還有解否。公曰。此三人當時權勢甚大。不容益友進諫。故難於覺悟。若聽人規戒。改惡爲善。焉取萬世之辱乎。奉曰。改過須從何處下手。公曰。勤誦感應篇。文帝陰隲文。關聖覺世經。諸惡莫作。衆善奉行。自能轉禍爲福矣。奉聞言。卽指天爲誓。頓首謝教。此公之提醒頑人。第九十七忍也。後人有詩嘆曰。

擊破疑團善念通。

迷途人幸遇張翁。

覺迷不用珍珠散。

一點紅爐雪自融。

第九十八忍

却說公藝隣左百姓者。買豬回家。是夜脫索走失。巡找三日不獲。百姓往公家來。見公喂養一豬相似。便與公曰。老爺此豬是我前日所失。豬否。公曰。是爾的牽去。百姓竟將豬牽去。公家人發怒不允。公急止曰。任被牽去。他無豬喂。此豬所值幾錢。百姓牽回。不時所失之豬。於林中得獲。百姓知其大錯。有叫百姓具席請公賠罪者。有叫卽速牽還者。百姓卽將豬牽轉還。公對公曰。我冒認大錯。我豬找得。老爺赦罪。公曰。小事。何必出言賠罪。此公之寬厚待人。第九十八忍也。後人有詩嘆曰。

有量真寬量。

名賢果是賢。

浮雲空聚散。

湛湛一青天。

第九十九忍

却說公藝至親楊輔仁與公借錢兼請公與三個兄弟論理。因三弟借父養老之錢各二十千文。三人家寧難度。公曰。爾家富足。何必與吾借貸。諒爾借貸者。不過好與兄弟等比較耳。爾憚父之靈。費錢理當。何必與弟比較。仁曰。同是父生。公勸曰。處乎家富。親戚賴以提携。隣貧。仗以周濟。何況手足之情耶。卽爾弟等。人口衆累。亦未嘗懶惰取累。如吾之想。獨子豈不養親。爲親者。陰陽一理。誰不欲子相親相愛。苦樂同享耶。如弟兄爭長論。

短。親在心不悅。親歿魂不安。雖有禫靈之舉。反致露魂之傷也。不如將弟等聚處。無論有錢無錢。共襄其事。上以安父母之心。下以啓後裔之和。豈不冥陽兩利哉。仁曰。謹遵教言。如此。我邀弟等言明共荐。遂將錢措辦其事。既荐靈畢。公又勸弟兄仍復共處。輔仁子後登第。此公之諭親和睦。第九十九忍也。後人有詩嘆曰。

手足情當重。

無情悖理多。

心能存孝友。

自合早登科。

第一百忍

却說公藝臨河。見漁翁打一魚。長尺餘。四腮雙尾。兩目垂淚。公曰。此漁賣否。魚翁曰。賣都可。我欠食費。要錢一

千文米一斗。如少不賣。公見魚奇異。買放河內。魚變龍形。潮湧不見。公回家不時。二子仲仁、仲義自學堂來。言路上一女。覓求相依。住扎。公叫喚上前來。公問曰：何方幼女？女曰：家住北海林泉縣人。姓龍。名玉珍。因父母俱亡。族無親長。逃難至此。聞公善人。願賜收養。公見此女非凡之相。乃曰：住扎吾家。便喚已女。仲仁、仲義一同上堂。與玉珍結爲姊妹。二女共榻同閨。勸習女工。不日有陳玉清早來。與公求借衣冠盤費。要進京會試。公見玉清雖明書理。却是殘刻敗家之人。屢不聽他規戒。乃曰：內姪。爾想爾前人。大家授爾。爾奢華浪敗。今日衣冠路費。求人。玉清聞言。氣發而去。少時。仲仁、仲義齊回。要往

京會試。公曰。爾表兄玉清。借衣冠盤費。吾罵伊幾句。伊不言而去。兒可將衣冠盤費帶去。趕上交接。替吾贊言。仲仁仲義收拾行李起程。不遠趕上。呈進衣冠費用。與表兄言曰。我父因早飲酒。發言觸怒表兄。望其海涵。於路還望兒提點。玉清曰。有錢人勢大。何妨。仲仁弟兄一路賠罪。到京投店。次進文華殿。做文納卷。仍同店住。扎過月餘。發榜。仲仁點狀元。仲義探花。陳玉清榜眼。帝令仲仁兄弟狀元府處。玉清見表兄弟奪大魁。愈不甚悅。遂將表兄弟之銀。買交相府。相於君前保奏。帝封玉清殿前御史。玉清自此勢大。刻意要害仲仁弟兄。一日早朝。邊官表奏告急。北海周天王造反。帝問衆卿。何臣拜

帥出征。陳玉清出班奏曰。新科狀元張仲仁。深通韜略。可拜爲帥。帝又曰。誰任先行。玉清又奏。探花張仲義。武略過人。可任先行。帝旨宣仲仁爲帥。仲義先行。領兵十萬。五日出師。滅賊。仲仁弟兄受任。瞻戰來辭。玉清清笑曰。有錢人行兵。何所不克。弟兄歸府。咬牙切齒。第五日。告駕出都。赴張聲勢。竟到北海林泉縣。與周天王交鋒一陣。被賊圍困。陳玉清在都。狼毒不息。又誑奏君臣同鄉。新科狀元之父張公藝。家藏三件國寶。理貢入朝。帝曰。那三件寶。清曰。龍鬚。犀斗。大夜明珠。帝曰。甚好。寡人降旨。令卿傳宣張公藝。親貢獻朝。受封。清又奏曰。張公藝爲人。慳吝。橫惡持行。恐不納寶於朝。

帝曰。有寶獻朝。張公藝一家封爲進寶狀元。若慳吝不納。一家誅滅不留。玉清領旨回府。次日告駕起程。逢州州接。遇縣縣迎。一路索賄不少。來至自沔縣前。令報馬先通公藝。十里長亭迎接。公藝在家不知。忽一羣鴉鵲。從南飛至。宅前各啣棍一根。丟下。噪鳴飛舞。公驚喜。與家人同看。其間有言。公德放生相感。喜鵲臨門。且啣棍丟下。主家大出棟樑。齊望之際。忽一山鷹。自南飛至。將抓一鵲。一僕持竿擊下。正中鷹頭。落地而死。鵲仍飛去。公嘆曰。不傷其惡。難保其善。忽聽門外馬聲嘶吼。來看時。報馬傳至。張老爺十里亭前。迎接京來陳大官人。公卽喚家人安排酒宴。公更服頂冠。來十里亭前候着。見

來官玉清。公喜言曰。賢姪高軒仰止。公藝特來接駕。暫
飲杯茶。玉清也不下車。欠身答禮。全然不採。直到公堂
前下車。卽命公排香案。朝南四禮八拜。跪接。聖旨聽
候宣讀。玉清登臺宣旨。大臣陳玉清奏稱。張公藝家藏
龍鬚席。蝦鬚氈。斗大夜明珠。三件國寶。旨命公藝親貢
入朝。滿門受寵。具封狀元之職。若慳吝不納。自取滿門
誅滅。公謝恩畢。便問玉清。吾家國寶何來。爾奏。聖上
玉清也不回言。令執事返乘。卽轉公挽留不住。氣薨於
地。半晌方甦。家人扶入中堂。面如土色。陳氏夫人出問。
不言。再三哀問。公大聲曰。虎狼陳玉清害死吾全家也。
夫人曰。玉清奉 旨來臨。不會我面。卽轉有何相害。公

將玉清誑奏主上之言。一一細叙。夫人聽畢。大叫一聲。不好了。墮地氣死。閨中二女。及衆奴婢等。扶持救活。玉珍問母何事氣急。夫人曰。玉珍不知爾表兄陳玉清同爾兄在朝大點。仲仁仲義掛帥出征北海。是玉清奏君遣去。明明害死爾二兄。玉清狼心不足。又妄奏君誑說我家藏國寶。旨命爾父親貢入朝。不然滿門誅滅。玉珍曰。那件國寶。夫人曰。稟爾父親便知。玉珍上前參拜。親前跪稟曰。小女適來扶母。得聞朝廷令父入朝獻寶。不知是那樣國寶。公曰。爾閨中幼女。那能問寶。玉珍曰。父親明言。莫嫌女兒不識。公曰。陳玉清妄奏君王。說我家藏龍鬚席。蝦鬚氈。斗大夜明珠。玉珍曰。此三件國寶。

非龍宮不得。公曰。吾苦心修德。立志行仁。誰想遭此滅門之禍。玉珍曰。不勞父親憂心。小女身當冒險。公曰。何爲。玉珍曰。敬稟父親。聽說小女根芽。女乃龍王三公主。因錯行兩部。上帝罰我離宮十載。小女同鯉魚大將遨遊往來河境。不幸漁翁將我網打在岸。性命難逃。天幸父親大德行仁。將我買放。上帝又命我改頭換面。變爲女身。恩將恩報。寄跡父前。覓留收養。候父德完。天顯榮辱兩至時。改屣爲榮。繳旨回宮。但此三寶。我面應承。公曰。天能使爾救子。天能使爾救子。玉珍曰。女無虛言。父看到我到龍宮取寶。用袖一展。一陣清風。祥區卽至。玉珍足履雲頭。一刻不見。片時又至。隨將三寶獻於公。

前。公。遍。視。三。寶。世。上。罕。有。卽。推。玉。珍。上。坐。受。公。三。拜。謝。救。活。命。之。恩。玉。珍。亦。答。禮。乃。曰。父。親。到。京。納。寶。女。有。真。香。三。炷。挈。父。父。往。陳。玉。清。府。門。求。玉。清。引。見。皇。上。父。見。駕。將。前。事。奏。明。又。將。真。香。獻。上。令。焚。小。女。從。空。獻。寶。自。能。明。冤。女。隨。到。北。海。以。周。天。王。罷。兵。救。二。兄。回。朝。同。享。榮。耀。父。親。切。記。百。忍。要。成。仙。山。有。聚。公。曰。公。主。要。到。北。海。救。兄。周。天。王。怎。能。罷。兵。玉。珍。曰。周。天。王。是。我。鯉。魚。大。將。我。收。回。龍。宮。就。是。請。父。親。卽。行。京。都。不。可。遲。疑。言。畢。人。寶。不。見。公。收。拾。行。李。卽。便。來。京。求。引。玉。清。府。門。與。玉。清。相。見。禮。畢。少。敘。寒。暄。清。曰。姑。爺。獻。寶。來。朝。姪。當。引。見。聖。駕。公。曰。見。駕。望。姪。垂。憐。保。全。吾。命。清。曰。若。是。無。

寶難救姑爺。公曰。寶從那裡得來。望官人大施惻忍。保
吾家一丁。作種是幸。玉清輪起眼睛。頓足曰。皇上滅爾
家。與吾何干。清卽穿朝服冠冕。值午朝。引公見駕。至禁
門側。叫公就此候着。殿上金鐘玉樂齊鳴。文武排班。珠
簾高捲。主尊登殿。衆臣三呼萬歲畢。帝曰。文武衆
卿有事奏來。無事退班。文班中轉出陳玉清。啓奏帝曰。
臣同鄉新科狀元之父。張公藝。家藏國寶。理貢入朝。臣
蒙陛下降旨。令臣傳宣公藝。今公藝來都。空身往見小
臣。還求引見。陛下。臣帶引公藝。宗門候着。惟陛下
定奪。帝曰。公藝有寶獻朝。滿門受寵。無寶滿門受誅。不
容朝見。武班中轉出一臣張大魁。跪奏曰。張公藝求見

陛下必有緣故。願陛下念是新科狀元之父。可宣進
究問明白。滅門不遲。帝曰。卿言正是。卽宣公藝上殿
朝見。衆臣見公藝滿面陰隲。絞現舉止如龍行。至帝前。
三呼萬歲。帝曰。張公藝貢獻寶來。公啓奏曰。小臣起
身白屋。養志農家。苦力教子。仲仁仲義。蒙皇上大恩。
點狀元探花。出征北海。臣又蒙陛下降旨。命陳玉清
傳宣小臣聞旨。手足失措。幸龍王三三公主寄跡臣家。聞
聖旨。命臣獻寶。公主特往龍宮。將三寶備定。隨賜臣眞
香三炷。保臣見。帝將眞香獻上。令焚金爐。公主從空
進獻。帝曰。張公藝誑奏寡人。爾是凡人。那有龍王公
主寄跡爾家。一片詭說。自取滅門。張大魁忙跪奏曰。

陛下怒轉龍懷。只問公藝真香何在。公卽於袖內取出
呈上。帝龍眼一觀。回顏作喜。諭焚檀官將香卽焚玉
爐。清風忽起丹墀。彩雲密布金塔。雲頭上站一仙女。衆
臣喝彩。公主明跪金階。三呼萬歲。將三寶獻上帝前。
帝觀龍鬚。席錦繡非常。蝦鬚氈烟霞玉翠。夜明珠金光
燦爛。帝心大悅。公主奏曰。陛下鑒觀此寶。世間可
有否。帝曰。世上難見真奇真。非龍宮勿得。公主曰。臣
女受上天之命。因張公藝恩。父大積仁德。善行動天。
臣女托足他家。以助他令德垂成。善昭天顯。有佞臣陳
玉清妄奏。主上毒害張氏滿門。非爲。主上揚德。想
此寶不惟張氏家無。卽我龍宮亦只有二。若臣女不救。

張氏滿門受誅。惟陛下裁度善惡。帝龍顏大怒曰。險些妄殺善人。喝武士將陳玉清推出斬首。玉清大叫。姑爺相保。武士早已推出。須臾頭血淋漓。公主見斬玉清。告駕辭公。復站雲頭。恍然不見。衆臣口稱萬歲洪福。千秋不易。帝曰。張大魁封爾殿前都御史。卽傳公藝滿門受爵。一同佩服冠冕。命衆臣齊送公到狀元府安處。帝諭畢。鳴動金鐘玉樂。聖駕回宮。衆送公到狀元府。公命排宴衆賓。張大魁與公派分叔姪。宴罷罷歸。滿朝大悅。不日仲仁弟兄平賊回朝。天子鸞駕親迎。又值公家滿門人到。帝概命衆卿。明日受封。盡到狀元府安歇。笙簫一夜不絕。公問仲仁曰。平賊何速。仁曰。幸遇

玉珍妹到我營中。與我言明獻寶救父誅奸。叫我弟兄
即日回朝。妹往周天王營。索回龍宮。是以太平。沾父洪
福。不時天明早朝。公領一班家人朝見天子。帝曰。公
藝爵居三公之上。陳氏爲一品夫人。張仲仁爲朕駙馬。
配二公主。今日完婚。其餘仲義及一門丁士。概爲錫命。
公一門齊稱謝主隆恩。帝命排御宴。帝復曰。公藝
一生善行。其願足乎。公藝曰。老臣一家蒙主寵錫。心願
滿足。善願未完。帝曰。眞善人也。封爾全家。福以完
善願。公卽跪謝主隆恩。宴畢。帝回宮。各臣賀散。公在都
旬月。上表一門辭謝回家。以養餘年。帝遲疑未決。宣
張大魁問曰。張公藝一門顯達。寡人未嘗薄待。今上表

辭朝回家。是何識歟。魁奏曰。張公藝一門善人。在京不
慣。願我主從他表請。伊家人在朝。不有善行之益。別無
異論。帝曰。公藝辭職回鄉。可否。魁曰。甚善。帝卽命
公藝一門。附馬公主。一同回家。賜黃金萬餘。珍奇寶貝。
帝帥羣臣。齊送出都。帝執公藝手曰。朕薄待愛卿。回
郡。勤修大善。公跪辭。帝返駕。帝與衆臣回駕。公登
車。一門榮耀不已。回至家。越十餘日。忽來一僧人。叫門
子。通報公知。公曰。喚進。此僧直入中堂。公見醜陋不堪。
與公長揖不拜。公曰。高僧來此。何幹。僧曰。今晚借宿。還
求一事。善人不可慳吝。公曰。何事。僧曰。和尚一生未娶
室人。求爾家公主伴宿一夜。阿彌陀佛。公聞言不決。卽

轉內室面帶憂容。陳夫人察顏問公曰。老爺何事憂容。公曰。適來一僧人。出言借我家公主伴宿一夜。吾見穢言不悅。夫人凝想半晌。乃曰。老爺寬心。細想百忍書記九十九忍。只爭一忍了。恐仙佛相試。公點頭曰。然。夫人曰。想世上俗僧。烏能無理。公曰。以夫人之見。何爲夫人曰。我與公主密言。將仙機破醒。叫公主囑彩女粧作公主。就公主椒房。伴僧一宿。看何結果。公曰。夫人速行其計。公復出堂前。僧仍言不要吝滯。公曰。願隨僧宿。僧曰。阿彌陀佛。至獻茶酒。僧概不嘗。時將二更。仲仁引僧安宿。僧至房。見公主果在。遂將門閉。滅燭待至天明。仲仁見僧未起來。來看時。只見黃金滿床。卽問彩女。女言上床。

時香風旋至我臥榻間。未見僧人。卽報公公臨着。果然是金門上現觀音全忍四大字。公驚曰。是觀音菩薩全吾百忍。卽備齋供。明香祝帛。朝南拜謝。將百忍圖書傳家。以後公仙山訪友。持齋把素去了。本族張體仁賢而好學。覓計圖書備錄公行。抄成一册。令傳本族可法爲規矣。後增述公與仙子遊同居九世一家超舉。上證仙品。另有遺傳。此乃百忍全書也。後人有詩嘆公之盛德曰。

書從百忍編。

百忍惟公全。

量大功又大。

幼賢老更賢。

一家齊講讓。

九世尙同煙。

天賜盈門福。

芳型聖萬古傳。


大正十五年九月二日印刷

大正十五年九月五日發行

印刷所

臺北市北門町三番地

黃塗活版所



百忍全書下卷終

甜娘三丁香四白芷四下荷六鹿茸六澤蘭六大回六木通六界六江子六松
 木灰六不羞活界六紫系六草烏六獨活六烏松六水檳榔六夾餅六防六及六
 葦花六石練界六京芥六坤草六乳草六赤苓六赤草界六尼藤六
 小回界六老虎尿六皂角界六良姜界六細辛界六甘草六生薑界六三奈六
 五味界六桂支六雞血藤界六共為切末六小斗壹斗六

起種用此藥五升米入拾貳兩藥粉用校酒擦

九龍